




樊榭山房集

和
356
乙





樊榭山房集卷第四

錢唐厲鶚太鴻

所錢文
有陶邦

詩丁

人日同陳授衣丁敬身石貞石登吳山用石壁

上東坡先生釋迦院看牡丹韻

以下乙

紅妝小隊行春時江山著色供吾詩坡公健句入苔石

花殘石泐公應知登高今日情難已不約還成七人矣

嬉游大好同隊魚何必飛騰千萬里

西湖感舊和貞石

少年落魄惜春花外層樓燭影殘一片湖光渾似舊

雨聲不到曲闌干

利
311
之

樊榭山房集

碧桃猶繞舊池臺
吹徧東風尚未開
游客重來人不見
簾前細草短於苔

原作

石文

和余葭白題唐子畏畫韓熙載夜宴圖

韓郎自是江北人
避地去作江南臣
更從江南到江北
便道江南有人憶
歸來笑擁名花叢
疏眉小面居當中
千枝銀燭照舞影
滿堂賓客看驚鴻
門生解事執樂句
燕支拍碎聲穿空
酣嬉跌宕君莫笑
一半桃李無春風
宮中唱念家山破
燒槽哀怨傳何窮
聊將羣婢汗名檢
此意未必聞重瞳
六如居士不並時
何由戶外三更窺
筆底故有嬌與施
我不見畫但見詩
詩工直疑畫遜之

眼飽鉛黛嘲貧兒
從來裴休說法爲人願
不妨衲衣乞食隨歌姬

揚州清明有感

游絲墮地花斑斑
客如顛當長閉關
芹芽入市刀鯨上
非我無酒開心顏
翻書偶記柳州柳
千言寄友經憂患
軒捧奠子立拜埽
阻舉首北望啼痕
潛迴腸振觸事雖
異阿父淺土情尤
艱敢求范氏上吉
冢事親但得雍伯
無終山不官免學
右軍誓有約直待
龐公還西山地燥
一杯足雲衣水樂
相迴環其旁種竹
置丙舍賤天乞得
清且閑年供麥飯
作寒食祀罷松鳥
鳴啗啗嗚呼此願
果何日新烟旅食
茱萸灣

夏五閑居八首

始春游廣陵仲夏返敝廬出如謀食鳥歸似止樂魚江湖已相忘三歎無定居開窗延眾綠檢我牀頭書冥冥雨響池戎葵卧無次南史展一編蕭條有餘思冶中好貴囚正以簪紱累鳴蛙亦復佳何必當鼓吹書生賦分薄一飽走佗郡淮南米貴賤曾致杜老問汎舟及吾鄉是役恤民隱隣商或不前曷以周遠近錢唐古城東幽澹水木趣故人能曷予寫寄灌園賦至正時希隱居杭城東自號灌園生且清江變為作灌園賦陳榜山在真州曾書一通見胎時疏利於鸞荷鋤跡尤慕西山隔城青白氣半為雨借書出北郭籃輿白蓮風俯仰蓬藿下詩細復史通鼓

琴賞山雨不送雙飛鴻冲晦去我遠皓首見此翁吳志上

小山好兄弟伴來問消息正直卸擔初相見吐胃臆冷

泉觀雨詩崩崖與筆力想見坐聞鐘竹雲暗燈色趙功干意林

沈躄身鶴立居心乃瀟靜去作長沙游幸不卑溼病風

健湖口帆霞送滕閣興料君垂橐歸世故已先定沈樂城

今日理生衣快風收鬱蒸飛蟲強多喙逐去棲荒塍茗

和月露煮盤剥青腰菱試效采菱歌鄉味得未曾

梁溪舟中苦熱寄汪青渠

頻年奔走厭川陸六月浮舟信更難蘋末不傳涼吹起
 峯尖空逼火雲看只愁嘲客徐常侍詎肯因人梁伯鸞
 記得松陰對揮塵掬泉龍吻酌清寒

答蔣丈靜山蠡墅見寄

相望經年闕報書江關復此感離居我貧爲客交親絕
君老辭家齒髮疎蹤跡前身三事衲英雄晚計百金魚
萍流匏繫俱難遣濁酒何時過敝廬

題馬佩兮所藏馬麟摹黃筌春波瀾鷺圖

江南別岸風蘭密宛頸文禽水中出回眸不異錦城春
內家最賞臣麟筆沈浮一對常相見漢宮應有顓房燕
可憐未得辟寒金夜夜羈雌怨秋扇

楚中有刻近人詩者謬收鄙作其閒姓旁誤增

力字戲成俳體寄吳尺鳧

展卷風前睡眼醒何人未辨六書形蕭生有系知非鄧

溫尉如存笑帶令旅食欲添雙鬢白鄉書只說兩峯青
多年不得詩書力早晚烟波買釣舡

秋雨雜述四首

吳江澹秋水雲氣垂太湖我時趁風雨身作歸舟圖風
橫雨亦斜帆敲不可扶船舫帖波走獵獵吹青蘆撫枕
那得睡快意翻驚呼舟人小搖手笑容一何愚明朝中
元近武林酒堪沽

憶昔游永康亂山趨小邑竹輿兩日行行雨如織千
松萬松中聲與飛泉集紙傘但蓋頭肩胛已盡溼野廟
聊暫休青草無壁立荒涼此何神香火久不及豈能司
陰晴土偶亦垂泣秋氣衣裳單雨勢暮尤急宿處隔山

腰穿雲更深入

欺客雨灑燈驕風馬騰阜長安望迢遙
徭縣苦流潦同行功名人甘寢固自好
而我悲秋徒百念集如擣候窗聽雞鳴
結束出門早陰雲暗車蓋深泥沒車道
大野回清商淒紅染林棗積水解照顏
一夜頓成老

農飢望時雨雨足願無違士飢在遠行
遠行不救飢今年淮南秋有夢先書歸
覺來聽激雷枕簟涼霏霏舊事忽上心
充斥何由揮挑燈歌此曲愁絕聽者稀

八月四日晚雨極涼

急雨淮上來沈沈暗樓堞須臾風引去
秋星照涼葉孤客坐悄然愁思紛重疊
誰與話流光熟衣先在篋

授衣續婚廣陵戲贈長句

陳郎三載蕪城住不復寒衾夢秋雨
人生會合何可量墻鄉山色空濛處
美如孺子豈長貧才是丁儀當與女
卻扇甯無故劔思寫韻依然玉臺侶
吾鄉昔者吳安中

宋錢唐吳師禮廣陵王逢原之婿子傅朋俱工書

陳郎盛禮將無同只愁埽眉筆矜慎求

書不肯面發紅扁舟共載須怒怒吳山晴翠開
簾櫳生兒未學游絲帖一笑堂前慰乃翁

九日雨中集葭白齋

年年秋禊在天涯伏雨闌風亦復佳
夢語蟬連同短榻鄉心鶴望繞閑堦
醉依菊墜敲斜坐靜檢書籤次第排
不是故人齊臭味登高無地可開懷

吳中有書賈來廣陵出古錢三百餘見示刀布
正偽諸品皆備汪君祓江拓其文凡四以遺予
一曰千秋萬歲面有龍鳳形一曰長生保命面
有北斗及男女對立狀一曰斬妖伏邪面有立
神一蹲虎一符篆一一曰龜鶴齊壽面無文蓋
古厭勝錢也暇日裝潢成冊為詩題後并邀祓
江同作

翠墨手拓圓輪文空齋寶氣歛浮雲我有蕭愚子和癖
嗜好與世殊猶薰雪繭畱跡聊飫眼造自何代誰云云
千秋萬歲僅著錄景嚴好事資前聞千秋萬歲錢見洪道泉志其三吉語
擅蒼雅自藉神力通殷勤下土蟻臣但稽首長生大帝

保命君于餅解崇光景絕宋周希稷詩誰家解崇于餅綺衣青純年平分

反觀陽幕得奇質儲華谷云錢以有字處為陰無字處為陽龍鳳騰霄虎輸乙斗匡

首戴聲迴環揄袂交翬永為匹世閒兒女例心忪雨冷
重屏夢蕭瑟乞將後魏五男錢遠勝淮南萬畢術撒之
未足慰寒人佩此端能已愁疾壯夫也復愛虛名叩齒
清思坐幽室裝成一日百回看探囊尙有雕蟲筆

汪為山亦贈予厭勝錢拓本文曰金玉滿堂篆
書面有雙龍繞之上有柄作片雲形大徑二寸
續裝於冊更為賦詩

金玉滿堂語見之老氏書所貴在能守盈縮相乘除胃
脯或連騎舐痔乃得車黃緣走權要極意為佃漁轉瞬

領軍屋鎖澀集夔魁得失鄭人夢此足發軒渠錢環篆
四字字偃披薤如善祝兼寓規陳義難齟齬片雲抱廓
外山氣鬱不舒日冠月有珥陰豈紛騰挈水衡駭未睹
詩客何由儲紙勞脫輕影一再結相於故人意不淺緬
想剏物初不貪永為寶無悔亦無譽

高思坐蕪城小春

十月江天未隕霜阿師橋畔善和坊早梅門巷如人白
殘柳旗亭勝酒黃公案此時參閉目風光何地不迴腸
莫言新雁無才思小草傷春句一行

十月十八日同余葭白陳授衣閔廉風游禪智

寺

適聞古寺名荒遠默有會牽率聯臂游新勇劇動膾平
疇棲餘糧疎籬擇寒菜年登緩鄉思樂事且人外坡陀
掉尾岡氣壓全楚大因知岷峨靈小住踞其最枳關羅
高松落落十數輩塵耳迷聽瑩為我發空籟遠烟老渾
城低帆召伯埭指點虛無中晴出山影碎隋宮宿佛軀
清淨掩侈汰土木非昔時晝燈黃葉內亦列千便娟風
竹見舞態井谷窺深泉匳鏡寒不晦了知起滅想無用
勞感槩何來寶誌公跣足入殘繪吳裝僅形模石剝損
風帶壁陷眉山書傳刻但茫昧新苗老葉句未受詩案
劾寺有石刻吳道子誌公像東坡和蘇伯固游蜀岡送李孝博使嶺表詩跡疑歲月駛劫換名字在鬪
螳俛人羣放眼寄大塊胡為雲萍身物役自拘闔暫託

賢友生林垌得佳賚彼哉稗沙門慢幢乏應對此邦重
賈雄餘習被香界一笑下頽陽叢雁破霜靄

冬日移寓葭白齋中二首

城邊烏尾排檣竿楚天盡處吳天寬南商北使津鼓競
歲晚誰道川塗寒客牀高坐自偃蹇束書不觀目空睥
睨從從尙阻西上魚體中何如強眠飯

閑門清寂如野亭四壁鉛槧棲餘馨諸餘益益殊碌碌
古壘洗蝕銅花青銷寒絕唱誰能和斗柄闌干雁聲墮

對牀無雨也可憐君能館我支頤卧

葭白近作銷寒雜咏數十首

畫松歌送沈丈樗崖歸宣城

明徵君眉生先生之孫

耕巖先生冠社籍儒衣欵受思陵辟飛章首論武陵楊

閉口曹蜍動顏色昭亭仙去無消息今代名孫古遺直
輪囷壯氣無所施老腕生松萬鈞力蒼龍鬱律蟠曾臆
昨夜山南夢吞得天寒張鬣不作雨驅向剡藤但僵立
仰聽傾崖清響入俯窺凍壑圓陰逼坐我石梁布水側
豈識松身元是墨北風客舍逢君揖白髮滿頭面黧黑
欲持勁質贈時人金錯刀囊慳反澀槎枒忽壓俗眼驚
醜怪能怖嬌嬰泣愛君幅幅有題句何異前朝述祖德
襍衾篋畫乘歸航與松偃卧江路長到日柴門宛溪上
舊種手掇絲苓香君其行矣慎雪霜

雨中過錫山

寒塘淼淼風聒聒凍耳唯聞榜牀撥九龍頭角半入雲

只有東峯塔穎脫隔岸人家倚衰柳帶溼炊烟青一抹
帆遲目短望漸遙頗羨安居對疎豁秦餘杭山次第迎
爲乞紅萍照裘褐

歸來

歸來抖擻布衣塵竹几藜牀意最真坐愛陽光通一室
卧聞冰霑落比隣淮南書內題春女揚子經中說夜人
我有心情狎寒晝九遠不著自由身

正月八日城南紀游二首

以下丙午

梵天寺

廢寺不鳴磬林鳥散夕陽山曾識坡老塔尚記錢王初
地藤纏瓦三門竹補牆人閒重陳迹畱坐看江光

崇聖院

春早禪扉靜長廊得恣行小詩同勝事前輩復高情松
密窗窗碧泉多步步清吾師謝無逸埽地過平生

壁間石刻米仲

詔聞子將姚有僕李長衛嚴無救諸公詩勝事如要言煩多損精微無救句也

十二日同聖幾汎西溪暮宿姚氏莊

溪風吹小艇竹色過橋昏幽子賞此意欲與山鳥言鳥
飛向烟暝綠流到柴門丁男解迎客中婦羅酒尊莫笑
濁酒酸古道賴以存燭至月已上散步長松根空山藹
微白春夜雲遂繁是知歲事初物候漸可論余生困棲
泊稍得依田園溪源接天目一夜清心魂

新市道中

擘岸風多損畫眠荻芽短短不生烟水村無避春寒處
來覓酒家門繫船

曉發烏戍大風過平望

落月瞰低篷睡思紛以積隔樹雞亂號已辭休文宅披
衣起盥饋到眼盡前跡誰令數往還自詭非物役正賴
吳壤佳關心太湖白水黯雲兼風聊闕不為窄輓浪大
於鶯鷺子坐受拍銀魚漸上市樁酒香可坼春初人行
少芳意佇遙客夢尋銅井梅簪花去腰笛

泊垂虹橋謁三高祠疊前韻寄陳楞山

吳淞洵可居烟水古所積王郎臞巷詩佳處肯買宅橋
緬玉蟠竦漁樵見行跡篙師頗解事萬景入驅役落手

釣雪灘鳧陣際波白蒼茫遠帆歸天影與寬窄興豪驚
吳兒闌干有時拍荒祠最庫隘苔螿碣已坼范石湖三高祠
記碑僅存半骸
陷於牆下
殊可惜也移置諒匪艱論此後來客酌水酌三高雨卧夜
船笛

太鴻放舟垂虹橋謁三高祠有詩見寄依韻奉

答

鄞縣陳楞山撰

細雨聞歸鴻相思夜來積忽傳連紙詩佳興如汎宅
吳淞我熟游此段失蹤跡要須期新涼偕子更于役
扁舟凌萬頃攬盡玉華白縱心觸遙遇盈目開偏窄
深杯計較足相與共浮拍長吟激水面寸寸秋翦坼
便可呼三高奚暇問主客此樂五百年黃樓風月笛

雙橋

不復緣故道遲遲望水關雙橋舟楫減十里浦雲閑陸
子逃名早梁生避地艱漁郎無所恨日夕和歌還
二月一日丹陽舟中初晴
故國陰彌月江程晴一朝流年供浪跡極目咏離騷陂
暖初青麥沙明上信潮熟知春事近更覺旅情遙

憶筍

三月春風老鄉園未得書平安問修竹甘脆憶家蔬雨
絲盈山市泥香送佛廬清饒有如此血味願教除
餅中桃花
不擬花遮眼欲知春未闌映窗憐曉色注水養餘寒悵

望無言甚殷勤命笑難臯亭紅萬樹讓與別人看

四月吳淞好二首

四月吳淞好天低樹壓橋青蘆界湖尾白鳥點山腰踏
水女初嫁擗魚童尙髻令人慙寄食客思轉蕭蕭
四月吳淞好商船發更稀城陰水楊柳港馥野薔薇村
熟知嘗酒涼多不減衣垂虹亭上望隊隊晚漁歸

五月二日生日有感

又是江南梅雨天此生逾壯思悠然矜張久厭宣明面
草澤誰知正禮年上句宋謝瞻下句梁情類疲牛踏陳跡身如
社燕寄脩椽兩年薄佳時畢竟推吾土樹外雲峯對榻眠
題陳惟允采菱圖

水村並青山叢灌無重數曲渚藏幽軒片雲過飛雨彼
美學操舟搖溶出前浦相期采芳伴弱腕牽翠縷長歌
淶水調知音心獨苦垂綸者誰子習靜看沈羽高士諒
貞心明妝若無睹日落渡頭波風吹湖上樹

次韻

仁和趙

信意林

采菱復采菱菱香不知數綠葉出波平刺船響於雨
佳人重芳鮮三五沿南浦清歌唱滿湖餘音嫋如縷
蕩槳山之陰竟日忘炎苦照影惜朱顏驚飛雙翠羽
此中把釣翁時聞更親睹愛住水鄉寬晚峯窺倒樹

坐聖幾秋聲館作

吳水抽帆乍到來梧桐高館共遲回屋頭大葉自吟雨

衣上綠陰如染苔五柳先生雖寂寞雙楠居士不塵埃
明朝知有書船至珍重荆扉手為開

午日湖上同少穆耕民觀競渡

鄉園五日何所為相與牽挽趨湖湄湖波帖妥平似席
波上忽有羣龍嬉龍頭昂昂尾幘幘伐鼓撻金聞近遠
青山幾點彩幟飛萬人拍手回橈健吳兒踏浪兩足霜
鏡心越女開紅妝大船小船更旁午此豈有意哀沈湘
誰家放鴨爭歡謔不用金丸羽毛落分曹齊赴鸛鵝軍
凌波競捉鯔鯢躍須臾細雨東南來水仙鳴佩琉璃堆
天公不令興易盡菰蒲斜日明深杯人生即事有今古
回首平烟空極浦金明池上奪標圖當年盛事亦已無

獨醒不醉胡為乎

聖幾餉龍井新茗一器

松風出竹爐夢成水火戰新芽適開封昏睡不待遣為
子手淪嘗三嗅復三嚙中有參寥禪風味得正見

吳丈志上七十生日即次其病起韻為壽

巨手詞場老斲輪天雷黃髮在衡門情深濠濮常觀物
學遂河汾更有孫應築閑坊題大隱漫論朝士記貞元

謂宋收仲太宰

長年不用枚乘發宴坐三田默自溫

五月十八夜偷兒涉水入室家具頓空戲成集

杜

喧卑方避俗有跡負前賢幸喜囊中淨翻令室倒懸莫

須驚白鷺遙憶舊青氈反樸時難遇何如穩晝眠

秋半苦雨

秋宇何時爽江雲不肯輕蛤潮傷楚稻魚淦賤吳羹客
夢偏多緒農愁非一聲曾無補天漏滿眼急流橫

烘蝨和葭白

微蟲爾何知善齧稱其職回臭性所甘跣香獨不即求
伯夷種粟向仁祖索食試詰玉溪生此理定無惑棄瘠
而涵腴是為蝨之賊故人聳山肩寒几燈影側語我怒
蝨輩往往見於色但叢敗絮繒那緣好要襪饕如供帳
行暴或夢枕逼口中妨吟情爪底費書力永驅羞空囊
草辟謝多識安能學獼猴擇之終日昃早起筮得離當

付女丁殛燎原固足快殲類似猶惻龍性稱難馴鶴儀
頗孤特蝨於二者閒殊形尚潛匿用以成君高有怨始
見德爲君回束縑一點星影翹上爛田中螟下照水中
蠖

原作

江都余元甲 葭白

百蟄潛冬房爾獨襲寒育網縕忽逆逸肘腋失蒸郁
么麼難搪撐猥瑣任挫胸隱蓄噓血心細挾中人鏃
商子二十九有言頗笑僂五蠹作強援三官婪弱肉
汎濫狂不制日已削其樸而尚恣林據不恥賤碌碌
貧者卽噉嚼富者便踏踈就顏轉跣避絕香翻臭逐
遂令志士懷莫不奮翦撲我貧在筭空身情少湔浴

致爾固有因何至日相蹙聚白塞禪縫變黑升帽屋
亦思出手捕爾眾我乃獨惟藉司烜威一炬赤其族
顛焦細黠殞臍然老姦縮驟枯是烈禍宿饕詎淨福
眾穢蕩爲燼瞥眼頓清肅始知策火攻絕勝具湯沐
姑息卽滋蔓焚如豈虐酷斥惟士蔚賦破學柯古錄
更作烘蝨詠爲彼職齧告

十二月六日大雪初霽同耕民著屐登吳山歸
檢鄉先輩凌柘軒集有同瞿存齋吳山對雪詩
因次其韻

天翁戲作冷飛白一夜錢唐風浪拍曉來亟上吳山巔
橫倚玉闌三百尺好奇走喚南隣翁失卻江上諸青峯

片雲不到塵不到素華倒射扶桑紅此時酒盡興未盡
孤嶼重湖迷遠近垂竿想像茜衣人欲覓良工戴文進
曲磴背接烏龍潭翳松埋石窺茅菴樓臺一色圍縞帶
耳靜已隔交衢談巖冰重結陽光暮楓嶺嗟峩凜難度
玲竚展齒折高寒驚起飢禽屢回顧歲華炊黍來堂堂
須琢好句題幽篁古今清賞遞相屬十指肯學懸槌僵
山中老仙觀眾妙遺蛻如蟬恥常調洞門不夜鶴無眠
看雪人歸定騰笑

祇江在越州以竹火籠二枚見寄

織筠瑩節光於玉圍就家江水盈幅此君面目含清風
解與人閒作暘谷中函紅泥爐子小如餅可挈藤蹙束

烏篷一宿固陵關伴書遣送長須僕上言稽山大好雪
雷挂玉龍風折木栽詩坐念窮東野致此令成手翻覆
一笑感君故意長如玉有雙衣有複欵火微溫生裊底
澣統知無功可錄薑芽不斂蹲鴟舒惡札縱橫顏有慙
奉之高堂遺細君堪助中廚調茗粥寒宵不怯金十奴
更爲游子宜春服

山風穿竹徑仍暑挂瓢堂生不販雲壑夢猶依佛香雨
昏苔石字僧護鶴田糧悵望空歸去明朝問釣航菴有挂瓢堂額

鄭少谷書太初舊物也

西湖春雨四首

冥冥苦霧溼堤沙店舍無人酒幟斜已是祠山生日過

小梅猶滯雨中花

杭俗以二月八日為祠山張真君生日必有風雨

價低易上郭門船衝破西林一抹烟游屐不來三竺寺

乞暗勞動白衣仙

無賴東風轉柳條雨從月額到花朝少年記得嬉春事

斜日衣香第四橋

遙峯隱見黛眉橫怪底春來無此寒朋比熏爐風味淺

有人樓上泥闌干

二月二十九日同耕民閑步東郊晚眺沙河二

首

雨多常禁足及此出郊看風力暄猶勁天容霽始寬波

神青櫟廟田祖白茅壇詎學懷甄俗班春話好官

村舍畱人眼魚梁枕水低林長共澄暎雲細得端倪山

影鳴榔遠蘆根下柁齊閑心分物色坐待日平西

三月一日同杭大宗符聖幾汪西顥游臯園園

在城東為嚴顥亭少司農所築得詩二首

侍郎遺別業幽絕擅城隅風雅今何有荒涼感不無莎

亭通客儻花徑割隣租只共閑人到尋詩向日晡

似得春愁遣因延野色來垂楊埽慢水叢棘出殘梅學
圃容身隱題名恐俗猜休將雍門淚霑灑舊高臺

是日春社晚歸坐雨寄諸君

霏霏社公雨一片叫蒼鳩勸影燈前酒搖情江上舟句
無劉夜坐興比薛春游爛漫期仍踐更闌簷滴休

清明後一日同大宗敬身西顥聖幾游城東顧

氏莊

節去有餘興行吟不自料汀花烟色舊墓草酒痕消蠶
理今時始茶香見客邀回頭迷萬綠何處認溪橋

暮春馬佩兮來游湖上用去年泊垂虹橋謁三

高祠韻

多君濟勝情重疊如襞積昨來勇渡江穩汎春水宅樓

名見東誰為釋幽憂達生寄浪跡笑謝夸毗子汲汲事行舟

維子集役相逢古城西花下眉最白平湖葑初卷放眼開塞窄

魚檻叩堂堂鳧浪飛拍拍此閒著君語彌使氛盞圻衰

回僧樓上為遲白蘋客時破江在相與尋清音聒耳屏箏

笛

和佩兮游冷泉亭

春物已芳柔西山果始游泉喧石頭雨亭壓樹身秋魚
板諸天午香燈古洞幽吟成誰與賞猿鶴此淹留

原作

祁門馬曰璐佩兮

鐘韻一星星幽尋獨此亭山從入寺好泉欲過時聽

冷氣怯春服清暉隱翠屏
我來巖下坐刻石記曾經
獨游滄浪亭五首

桃萼飄紅上菜臺
蕩湖艇子轉城隈
春陰不憚盤閭遠
爲謁湖州長史來

略約難通步屐緣
三騶意氣擁林泉
人生是事俱關分

他日重游亦偶然

是日有達官寓此不
得入隔水遙望而已

彷彿南園築北碕
鴨毛小漲碧參差
行人羞照風塵鬢
手弄垂楊立少時

世波宦轍等羈銜
水竹因依最不凡
祠屋如聞神爽在
未應蕉萃舊襤衫

回首疎籬帶綠莎
歸來猶唱濯纓歌
城南一路供悵悵

老木平田古意多

同祓江佩兮游支硎山

歎息買山無此君
松聲猶遣世間聞
筍輿穿過石門坵
筇杖撥開泉架分
正始風流餘馬跡
琅邪人物散烏羣
吳娃嬌小何知許
賸把春妝點白雲

寒山尋趙凡夫隱
處有法螺菴千尺雪
諸勝

寒山寒氣貯春餘
入谷風烟更翳如
崖接扶闌疑蜀棧
樹懸飛雨想匡廬
緇流尙記人偕隱
青竹今無客著書
勝絕未能干日住
楓橋漁火暗村墟

夏至日雨中得金壽門澤州書

昨夜雷驅雨柴門
碧漲平送梅簾額
潤改水井眉清懷

友無高翮函書自遠程憐君太行險難減獨詩情夏至後并改水

見後漢書

雨中江上六言四首

樹外雨隨風至塘邊水入田流帆低廟子沙口人語龍

山渡頭

橘蠹化雙飛蝶桑芽飼再熟蠶隔岸雲屯黑白近城岫

洗青藍

村娃向井提瓮田父衝烟曳柴老我三家竹墅宜人一

網櫻鞵

梅候不便北客波官多賽南朝江平觀漲小艇雨歇迎

神洞簫

寄題姚玉裁蓮花莊圖

苕溪之水不可唾蘋洲之風正堪卧月河西面蓮花莊
憶我春寒搖艇過炎蒸那得對絕境世事參差每成左
故人住此寫成圖為詩卷尾邀朋和解維碧浪恐寒盟
滌筆冰甌方夏課流聞昔是松雪居畫髓琴心已傳播
山澤何妨子固譏風雅猶忻道昇佐翰林承旨七司戶
插腳紅塵應謫墮池亭蕪廢蒼烟空沙觜鷓鴣為偵邏
悠悠今古等傳舍宋宅謝墩寧受澆清才異代遙相望
舉杯酌與林塘賀遙山隔城天鏡倒白雨環橋水菘破
染書濃綠浮四面收釣涼螢飛一箇秋風鼓櫂擬再來
鯖鮓斫成蓮葉裹

六月十日同丁敬身石貞石游龍興寺觀唐開
成二年陀羅尼石幢為處士胡季良書

寺為梁發心院唐改龍興宋改祥符在杭州城西舊基廣袤九里後漸沒入民舍石幢在夾牆空壑中明季忽放異光居人捨宅重建去今祥符寺里許矣

涼颼洗河橋斜景筍鞵踏青豆垂牆匡古寺門半闔千

年十寶地

王鞏隨手雜錄錢王有外國頗眩伽寶方尺餘狀如水晶置龍興寺佛髻中皇朝改為太平祥符寺自唐至皇朝凡有十寶此其一也

湫隘屋廬雜九曲何處尋

東坡有祥符九曲觀燈詩廢塹產鳴蛤石幢妙

章草下有舍利納立神捧蓮趺光氣夜歎欲遂令婦子

棲儼化桺檀塔吾儕好奇癖往往臭味合丁君尤勇銳

辯證紛駁還乍睹增雙明久讀繞三帛濡紙脫其文可

供硬黃揭問年值唐季逾歷幾臞臘城中易黑灰此獨

未摧拉瑩無蒼蘚生古色對磨衲許醉聲聞酒乘月再

提榼

聖幾送漳蘭二枝二首

垣侵薜荔徑蓬蒿零落幽叢夢想勞忽見微波小翹楚

勝歌二十五離騷

孔行素至正直記明雪窗畫蘭法有大翹楚小翹楚諸形

全枝明玉最清妍香氣常隨過嶺船只合詩人熏几席

翠壺回施小乘禪

月夜渡江

露荻風林隱戍樓宵分月上動行舟凌雲鬢三山意

濯足空明萬里流北府兵廚誰與載南朝詞客肯同游

人間奇絕成孤賞喚起魚龍一笛秋

北府兵廚宋時鎮江酒名

葭白病瘡初起招飲月下作

楚辭山房集卷五

六

金柔火老爭混茫中人賸理按膏肪水帝之子何披猖
芙蓉旂弄明月光乘時復出煩厭穰竊據四體爲強梁
將軍亦病顛帝旁呼桓石虔勇可當橫楣齧缺懸蟹匡
閣下力士逃且僵隔日杜陵覩鮮妝曷不拾句誦子璋
乖厓夜談撼隣牆潞公花押筆勢剛夢回便娟授蕉漿
博士冢土低枕囊子有道氣通中黃小苦不肯偃在牀
室無傾視骨節強血味久絕藿食常如蟻決孔堅隄防
辟邪亦有魏迄唐汝不去者後爲糧纖雲四卷月照廊
酒氣拂拂十指香我飲不盡醒而狂仰吸沆瀣斗低昂
爲子七發歌此章矯如鷺濤翩下翔

揚州客舍夜雨

十日秋來九風雨田家客子同煎煩莎雞溼語此時壁
水鶴夜啼何處村石曼卿已卜親窵許元度將爲弟婚
依依顧影在千里想得家人燈下論

趙飲谷買得樂安長公主小玉印出以相示予
定其爲明光宗女熹宗時所稱皇八妹者因賦
長歌

揚州塵土日紛紛玉氣市中爲白雲前朝貴主風流遠
認得藍田小篆文瑤華栽向瑤階底母姓便娟本穠李
淚灑龍髯一月餘移宮倉卒驚羅綺忠臣豈肯爲身圖
帝姬入井知羣誣亟封康妃託遺訓誰令國柄歸闈奴
雲鬢扒角年猶小

劉若愚酌中志皇女十餘齡雷
髮扒角至選婚始擇吉上頭

鏡須與委鬼共銷亡信王握璽瞻天表初下銀河織女
機盈盈十五已勝衣粉侯纔習膠宮禮便許吹簫出禁
闈賢聲戚晚流傳寡江墩無勞讓婚者賜花更得日兄
憐投瓊特敕行杯葦愛學江南淺淡妝脂田水碓厭豪
強刻成小印柔荑撫鈐記居然寶繪堂鐘漏相催歲華
擲一枝紅墜悲秦客朱練冷落橋紐昏不共金箱殉梅
額萬年誅德未足哀賊騎蹴踏都城摧壯哉都尉又死
國碧血滴到珠襦灰青匳玩物今猶在無用摩挲博人
愛爲君試續學古編惆悵蟲鏤非千年

甲申鞏
死難

公主以愍帝元年下嫁
駙馬鞏永固十六年薨

題周兼南唐小周后寫真四首

未合雙鬟最小身秦淮明月白門春漢宮莫話昭陽事
更有人閒返卧人

已識君王尙待年新詞側艷外邊傳銷魂貌出提鞵樣
壓倒南朝步步蓮

羣花偃亞小亭孤卯酒朝酣倦欲扶可記畫堂南畔見
背人無語問流珠

命婦隨朝掩淚光虛聞龍袞紀興亡畫師自有春風筆
不寫傷心入汴梁

龍袞江南野史今所傳不全
載小周后事見王銍默記

吳山咏古詩二首

麻曷葛刺佛

并序

麻曷葛刺佛在吳山寶成寺石壁上覆之以屋元至治

二年驃騎衛上將軍左衛親軍都指揮使伯家奴所鑿
案元史泰定帝元年塑馬合吃刺佛像於延春閣之徽
清亭下輟耕錄亦稱馬吃刺佛蓋梵音無定字故也元
時最敬西僧此其像設猶惡可怖志乘不載觀者多昧
其所自故詩以著之

寺古釋迦院青滑石如飴何年施斧鑿幻作梵相奇五
采與塗飾黯慘猶淋漓一軀儼箕踞努目雪兩眉赤腳
踏魔女二婢相夾持玉顛捧在手豈是飲月支有來左
右侍騎白象青獅獅背匪錦幪薦坐用人皮髑髏亂繫
頸珠貫何纍纍其餘不盡者復置戟與鉞旁紀至治歲
喜捨莊嚴資求福不唐捐宰官多佞辭我聞劉元塑妙

比元伽兒搏換入紫闥祕密無人知此像琢山骨要使
千年垂徧翻諸佛名難解姚秦師游人跡罕到破殿蟲
網絲來觀盡毛戴香火誰其尸陰苔久疑立想見初成
時高昌畏吾族奔走傾城姿施以觀音鈔百定鴉青披
題以樸檄筆譯寫蟠虬螭照以駝酥燈深盃明流離供
以剖羊心潔於大祀犧紅兜交膜拜白傘紛葳蕤琅琅
組鈴語逢逢扇鼓馳到今數百禩眩惑生凄其但受孔
子戒元世祖命廉希憲受戒於國師廉對曰臣已受孔子戒漫書膽巴碑趙子昂延祐二年奉命書膽巴碑

鐵四太尉并序

鐵四太尉在吳山東嶽廟廡下宋名中興觀像凡四軀

孽拳瞋目醜怪駭人相傳江中浮來郡人有忿爭凶隙者則迎而詛之案凌彥翀柘軒集有吳山東嶽廟化鐵四太尉疏云吳山東嶽廟鐵四太尉一曰靈應侯二曰福祐侯三曰忠正侯四曰順祐侯以禦灾危以鐵肖像非一日矣因軍器造作有欲假爲用者一夕託夢於王子澄曰吾欲助國將作吾新像以離於此已而果爲國用子澄識其語不忘果蒙神祐動止協吉欲求眾力圓成庶見神功昭著彥翀爲至正末人像當重鑄於此時不知何年復增鑄一軀譌爲五方之神俗名鐵哥而敝俗不可息矣

岱宗長五嶽秩祀百代舉仙釋爭傳會幽眇竟難距臨

安宋行都寓祭亦名旅四尉知何神封號侯爵序治官

巧范鐵面目黑如柘譌傳汎濤江風掀出沙渚奇事神

降莘里俗文詛楚慎匪金人銘誕將木甲侶泰山上有木甲漢武帝時神也

見應劭漢官儀唯有避俗翁皎皎載玉楮當年著靈功志在捍疆

圍不爲錢可耕不爲金可煮願鑄爲五兵廓如埽烽炬

報貺重肖形爭傳夢中語斯事略足徵諸臯儻見許衝

寒過琳宮虛廊竄松鼠

春雨有懷徐丈紫山湖上以下戊

老大逢春最帶春又經多雨洗芳塵官梅開後野梅落

湖水滿時河水新無事長如秬磨日幾年不作踏燈人

相思只有師川在安得衝泥過比隣

同敬身東扶過雲居寺傷貞石下世
春色悲人事松門澹夕暉昔游同禮塔今望各霑衣一
病驚才盡三生向佛歸傷心塔草合行跡尚依稀

春日湖上

閉戶皆無事貪游似不閑閨人看禁樹詞客入空山湖
淥淺深際花催寒暖閒春衣如可典拌與飲循環

二月十六日吳尺鳧招同表舒雲沈樂城符幼
魯趙谷林意林杭大宗丁敬身包家山看桃花

天公愛花真不錯輕陰爲花張帘幕城南火急三日游
轟轟青山花繞郭符融喜接如雲談辛苦京塵乍抽腳
謂幼折簡邀賓吳季子能使故人共斟酌餞簫翥幄柏

下集

游人競渡
顧氏填

放眼終嫌少恢廓提壺取道梵天寺石塔

雙標聳蓮萼岡盤徑復趾造頂一上江天忽呈躍共藉

包家山宋時名桃
花關榜曰蒸霞堪矜佳處

草茵勝甌餽古號桃關無鎖鑰花關榜曰蒸霞堪矜佳處

人不知我取眾遺爭大噱綠楊圍屋菜繡畦千樹萬樹

紅約略峭風橫起野色暗恐蕩繁英被圻堦陽侯娛客

更有意酒酣卷地春潮作分明石家錦障外搖動輓流

離一箔烟中越岫儼彼姝晚倚嬌寒更梳掠我生窮悴

何足嗟造物供人殊不薄景倩空爲步履至林宗漫有

同舟約豈如我輩詩膽頑解使長雲雨還閣黃鸝三請

花不語散作春愁紛漠漠

清明日出東郊至江上

英射山房集卷五

二

江上人家綠滿林
殘花無處避蹄涔
清明時節孤帆雨
想見天涯倦客心

送春日同沈欒城趙功千游南屏四首

過雨山烟薄似紗
截湖小艇遠聞蛙
綠陰誰見春歸路
借問僧家與釣家

竹籬苔磴摘青梅
倒影風潭石面開
不見故人汪十六
清倚闌無與試茶杯

邵家高冢竄香狸
阜莢花中石獸危
一種滄桑山鬼泣
奉香猶記永陵時

明昌化伯邵林墓在山下

短長橋外去悠悠
瘦盡鶯花莫惱公
明日重來看楊柳
烟條萬一憶東風

答西岡明府見懷

罷舉我偏嬾去官
君亦貧娛書清靜
客多病愛閑人花
落郊園晚詩題京
洛塵相思勞遠道
已歷幾冬春

懷樊榭孝廉

雲中鮑鈇西岡

湖山春色早幽事
閉門多且免書驢
券何妨置雀羅
青雲容俯仰白日
任蹉跎官閣聯吟
處於今跡未磨

題大宗松吹書堂圖

閱世翛然滌煩磯
著書種松皆十圍
居士散髮兼散衣
疎釵滿地開林扉
羃翠蒙烟漏朝暉
須臾動影颯欲飛
風馭適從何處歸
披薄織末無停機
餅筮幽咽泉語微
聽匪緣耳悟者希
此中默喻理不違
但將畫本付韋偃

勿用談柄持張譏

四月十五日同施自勗吳尺鳧游西山入龍泓

洞

淺夏宜尋山幽深最靈鷲言瞻理公塔濃綠暗晴晝行
旃已十里地奧峯轉秀石牀不暇坐窈窕入雲竇乳泉
排蜂房其下若懸雷絕疑秋雨時濺撲到襟裊圓穴居
上頭晃晃天影漏照見壁間書亡國有餘詬洞刻咸淳丁卯
賈似道同客命
恨不裝輕繇佛國殊氣候

由永福寺左上白衲菴

躡躡羣峯圍嵐氣此長鎖花宮隱叢篁龍湯在其左山

今時驚飛高下新籜墮白足導我前細路殊破破蕭森
不見天連岡接松果何年置圓菴棟宇平帖妥入門忽
破禪猩紈照樞朵山中欲知時結夏乃大可吾儕稱愛
閑永日銷宴坐香餘青蚓裊將斷猶婀娜寄語風埃人
微言堪已瘳

石筍峯

西山下夕陽陰翳淒我神拾級愈斗絕苔滑除荒榛澗
泉幽脩語回頭又無人摘摘叩竹戶童子知迎賓僧房
如旋螺一上一境陳登樓望東嶺彩翠相鮮新林梢斷
崖口杯水浮湖濬請客參石筍樵路隨麋麕十丈未拆
殼包孕太古春昔聞祖龍學結菴此嶙峋名僧貺幽趣

遺礎今埋湮太息後來者何幸爲州民

冷泉亭月夜

望月迎峯菴已吐鷲嶺背林間炯積雪搖影紛瑣碎出門路漸低步步入幽靄過橋松露滴茅屋一犬吠層巒凹復凸月尙隱其內招要坐空亭萬木鬱垂蓋泉光動深池翻疑夜當晦聞聲彌覺靜澗韻雜陰籟微於交枝隙忽見鮮雲挂此時各無語翹首翠屏對颯然古精靈髮髯妙景會烟中客兒句風外寶公唄欲畱凜生寒將去如有待今宵單牀夢猶繞琉璃界

迎峯菴曉起冒霧出山

敲枕鳥喚客曉望意必佳開窗墮茫茫悵與始願乖遂

辭已公屋勇縛雙青鞵前村十重障不見沽酒牌近寺涇紅隱孤塔空翠埋霏林漸成雨覆礪疑無厓霑衣不足惜前進如推排須臾清風至湖水鏡面揩夷猶縱一權安坐相談諧人生本何冀俯仰殊所懷

雨中集秋聲館觀唐于府君墓志銘甄

梅雨澌澌守環堵書客無悵遠相聚比隣唐甄未成土呼童盥手爲迎取縱廣盈尺製樸古厚徑三寸半蝕腐于君昌嶠字光宇貞元朝士誰比數場有小鋪司湯鹵奉公夕惕亦矜許井桑缺一嗟薄祐四十字井韻所譜四十作册先立切本唐韻終于家堂阜某甫葬之大墓厥子五小猶鬚角語棲苦總作懸亦唐韻文簡而該較繁愈剝如弦蟾翳復吐新亭

山陽幾風雨近人掘自青枝塢湖影冥濛失封樹千年
見日闢幽戶阿紫元駒鬱餘怒織烏西飛誰作主發正
中郎當貸汝峩峩秦亭名可補吾杭無新亭山青枝塢正在秦亭山之南則秦亭古各新亭也圖
經續者勢黜黜墨響手拓好藏弄遠勝金臺尋石鼓

移居

生涯仍往日俗累復今年半宅從人典方萬里桐江續集有典半宅詩余適同之全
家冒雨遷栽花無隙地汲井有新泉差喜東城近蕭疎
野趣便

六月一日午睡夢程友聲醒時見壁上懸垂虹
樣權圖乃友聲為余作者

守窮故鄉居畏暑蓬戶閉風幔小眠齋借作涼雲翳故

人千里駕良覲已隔歲落落知無營不問別來計茶果
俄欲陳驚起厭蟬嘒睨壁得新畫一角題字細帆色入
渺茫空遠秀于髻寫我汎春寒長橋望雲霽烟墨關性
靈絕境得精詣始悟夢為因匪直思發嚏

苦熱夜坐

晴電忽穿樹好風微動萍移牀池上坐相識有流螢
雨後

返照殘雲斂柴門似水清蘆梢分渚響瓜蔓過牆生在
昔三騶飲傳聞五鼎烹野夫欣雨足米價及時平

初秋同聖幾坐臯園二首

秋水今何似平添碧半篙澄陰交翳樹風色曲通壕蓮

颯無多葉鷗翻有落毛為驅殘暑去扇影已辭勞
三徑頻過後烟蕪更勝初難消熱客愛合借野人居黑
蝶秋棠睡青蟲敗葉書不知何所得歸意屢躊躇

秋霽同蔣丈靜山東臯散步

雨收憐露水平池疎豁何妨步履遲淡日青門菘菜圃
涼風白屋槿花籬閑尋壞衲安禪處記捕鳴蜚下學時
秋思蹉跎吾已慣先生莫怪鬢邊絲費袞梁溪漫志吳中以八月露下而雨為憐露雨

秋夜有懷葭白祓江秋玉佩兮

淮南三載任追憶忽今宵舊句開還掩秋燈短更挑烟
明念佛巷葉下擣衣橋多少閑蹤跡相思逐暗潮

八月十八日同丁敬身游龍華寺尋石壁上宋

人題名登慈雲嶺觀永壽院宋仁宗佛牙讚吳

越摩崖篆字

城南丁隱君嗜古有神契山心本清虛詩骨不柔脆約
我緣江行驕陽竹傘蔽邈迤峯覆釜參錯樹排薺斜徑
通烟蘿仰見巖壑麗雙林昔傅公全身此中瘞漁竿亦
通禪蕭散久順世入門松影轉殿址秋草翳釋子茅蓋
頭供客馥叢桂舉似藕絲燈莫辨蕭氏製蔡條鐵圍山叢談錢唐龍華寺有傳大士
真身塔及敲門椎誦金剛經拍板藕絲燈三物藕絲乃梁武帝時物也所傳大士
織紋實華嚴會說法相有天人鬼神龍象宮殿之屬政和後索入九禁唯聞
蒼壁下古字徧深鏤驚喜極逾量綫路怵子細披荆復
拜竹習勇我能繼下窺臨伏檻上覩攀埤堦向無剜苔
人堙沒八分隸弓韞祠高禱牲玉祀上帝卦墜遺園壇

仁祠想禮絕其他紀游者北南宋更遞完好十得五姓
 名屈指計汗簡不可磨沈碑反為贅猶令後來輩抉剔
 認書勢紀游題名有司馬池周鑿潛說友徐理等南郊齋宿題名有京體勞
 鏜袁說友李壁陳自強錢象祖謝深甫何澹張巖等缺落尚多
 坐少休拭汗翠霑袂嶺路近見招餘氣鼓尤銳江色懸
 虛寮泉花滴螺髻仁皇頌金骨排儒說滋弊大書摩雲
 根作偽殆如竊永壽院石上刻宋仁宗佛牙頌七律一首考宋僧法雲
 翻譯名義釋舍利下亦引此譜其詞鄙陋蓋假託為之偉
 哉武肅勳伐山行旅惠不獨築塘木爰合既未濟森然
 垂玉箸尚紀卯申歲英雄肯臣賊圖霸聊自衛首題碣
 山朱如裂昭諫昔慈雲嶺崖上篆刻云梁單閱之歲興建龍山至浩瀨之
 年開慈雲嶺便建西關城宇臺殿水閣今勒貞珉用紀
 年月甲申歲六月十五日吳越國王記共四十九字田氏西湖志止載首十八字
 考單閱為梁朱溫開平元年涓灘為乾化二年甲申則後唐莊宗同光二年蓋吳
 越武肅王所題

所得俱不訾何啻三品幣重來攜匹紙氍毹拓次

第當作天龍游窮接發幽滯九日以為期勿悵巖扉閉

舟泊西林橋同吳尺鳧作

裏湖涼思不勝飄路轉青林接野橋游女能來秋照影
 篙師解事小停橈風過殘葦疎還響雲襯晴峯淡欲消
 卻為流連忘日暮醉中翻覺水天遙

九月一日同丁敬身張希亮金以寧符聖幾游
 天龍寺石壁上有太平興國六年心經門外八
 卦田即宋郊壇故跡次登天真寺靈化洞側刻
 字云梁龍德元年歲次辛巳十一月壬午朔一
 日天下都元帥吳越國王鏐建置錢王拜郊臺
 也此寺登眺最為江山勝處

山勢龍飛護佛場後游佳處未渠央寫經某甲存荒壁
迎客單丁到上方滿眼雲濤看起滅接天草樹管興亡
蕭然欲下催詩雨相送沿村稻半黃

秋寒

前日驕陽尙滿林天機陡轉冷光侵蕭森已識閑中味
淒緊初關別後心時送樂城幼魯北行四壁圖書溫破帽千家簾幕
促疎砧多情那得如韓偓灑背微霜擁鼻吟

上冢

十月鄉山上冢天晴光盡趁過湖船鶻啼鶴返空千載
宿草寒松又一年胡笳攜尊成黯澹龐公挈伴故流連
愁來寶石峯頭望城裏人家自夕烟

十一月十二夜月同黃松石張情田散花灘閑
步用句曲外史馬睴新居韻

林影灘光靜自如向寒人意轉清疎真疑落木臨臯路
更憶浮暉雪上居烟外有山渾入夢月中著句未曾書
歸來短髮飄蕭甚敲火石橋聞夜漁淮南子云月之光可以遠望而不可以細書

同尺晷敬身過湖登慈雲嶺觀廢石龍淨勝院
崖上北宋僧冲羽書唐右補闕梁肅心印銘下
方家峪尋劉娘子寺已廢惟鳳凰泉猶存飯於
觀音洞僧舍而歸得詩三首

招手湖南畔平蕪淨可親霧窺山半面水照鶴雙身野
艇容茶具長橋響釣輪慈雲三度謁也勝埽門人

畏險須扶掖上頭雲倒飛寒林正搖落幽趣得因依龍
蛻莓崖積狐蹤莽徑微劓銘辨溫媪彈指昔游非
禪棲誰再構妃子有前蹤竹影思遺帔泉根沒廢鐘飯
餘香印斷樵罷漆燈逢賸得啼烏在年年怨此峯

趙谷林以汎湖看梅詩見示意林復以詩送梅
枝次韻奉答共四首

今年司冬大妍暖梅樹已發臘前枝一梢正透竹陰出
只欠王家雪下時
甕頭香熟莫逡巡處處蜂須色鬪新自笑先生東郭宅
冷雲滿硯未知春
共載詩篷泝遠汀小紅鈿破雨冥冥催人無奈易頭白

伴鶴有情還眼青

君家山閣水亭邊衝曉數花明遠天肯伴新詩遣春至
一時香韻兩無前

題松風流水圖

落落松陰寥寥天宇希微之聲風與水伍惟石嶠曉伊
人歸處易妙無言琴高不鼓

樊榭山房集卷五

人語盡是汝無言琴瑟不絕
一語香暗雨無情
天肯許
天肯許
天肯許

樊榭山房集卷第六

錢唐 厲鶚 太鴻

詩已

早春游湖上聖因寺四首

以下已西

千峯皴粉雪初殘趁得閑身自在看
日色未高船放早
游人應不畏春寒
琉璃地滑碧無痕
多少垂楊繞寺門
纔試東風絲已動
舊栽新種盡承恩
禪寮一半瑣窗開
上盡迴廊更上臺
想得天工營構巧
湖光高下逐人來
絕頂亭虛眼倍明
雪消雲並畫闌生
誰能喚取張春水

共賦蘇堤綠漲平

元錢唐張叔夏春水詞為古今絕唱人以張春水目之見鄧牧伯牙琴

荆溪道中

如畫雲嵐西復西梁溪幾折入荆溪舟師失道隔烟間
山鳥畏人穿竹啼

上巳集葭白齋

盡日添衣怯峭風春光一半水流東老催花事來心上
醉戀朋歡在客中小海無人知夏統草堂何地著盧鴻

時段白將移居

從教天地蘧廬似翦燭題詩不易同

廣陵送壽門游河東

共話風塵裏臨分剋後期人同歸雁去樹接暮雲垂汾
曲存勤儉江南重別離登樓吾亦嬾為子立移時

馬秋玉佩兮招飲出觀顧定之墨竹

上有張伯雨鄭元祐朱澤民題句

晉代愷之工畫人元代定之竹寫真仲文幼輿何足貌
不如此君下筆親雲根移得波濤窟晴翠翹翹鸞尾揭
新筍高於舊竹竿畱取抽梢當五月南齋娛客乃爾清
酒半展軸聞秋聲世閒何者善用短奇絕題詩尙左生
題秋玉佩兮街南書屋十二首

小玲瓏山館

鑿翠架簷楹虛敞宜晏坐題作小玲瓏孰能為之大
叢書樓

世士昧討源汎濫窮百氏君家建斯樓必自巢經始

樓中藏書

甚移近更廣按經義補所未備

透風透月兩明軒

前後風直入東西月橫陳主既如謝謏客合思許詢

覓句廊

步欄何透迤畫靜無剝啄好句忽圓時花陰轉斜桷

紅藥塔

種從亳州移不是劉郎譜春風一尺紅塔前暈交午

石屋

穿豁似天造華陽南便門尋仙恐迷路不敢躡雲根

看山樓

青山復何在烟雨晦平陸待得晚秋晴徙倚闌干曲

七峯草亭

青峭落窗中脩脩竹風舉悠然欲揖之恍見林下侶

梅寮

繞舍玉梢發嫩寒先起探絕勝塵土客落月夢江南

清響閣

橫琴小閣閒希聲寄絃指蕭寥不可名松風亂流水

澆藥井

久視託靈苗仰流資灌溉際曉轆轤聲眾芳欣所在

藤花菴

依格青條上垂簷紫萼斜天然妙香色合是佛前花

題七姬權厝志拓本

張羽文宋克書盧熊篆蓋

潘將軍識將沼吳出戰未北摧羣珠雉經聊酬貫魚寵

鬼妾肯奉他人娛齊雲綺羅付一炬無此高文照千古

春深誰上七姬墳月明曾過三興土張士誠府基取三興土築成謂長興嘉興宜興也

去年十月舍弟子山舉一男未幾而殞追感賦

此詩

入手嫵媚即夜光母因追憶倍心傷含飴未得娛大母

吟苦何緣學二郎落落衰門慳雀賀迢迢貧境想熊祥

再來若似前人事好拜弧南乞命長

哭吳丈志上

北郭幽人住扁舟數往來十年交恨晚終古別堪哀大

藥成難待名山業未灰斜廊曝畫處尙想立蒼苔吳文書齋有曝畫廊

無盡意齋坐雨同陳江臯作

分得荒齋曲象牀不嫌風雨共相羊經旬泥酒渾成病
五月披裘未是狂花落冬青泥滑滑魚跳時白水茫茫
新謠莫漫編甘澤有約初晴看插秧

明鄭貴妃書泥金普門品經同丁敬身作四首

卷首題云大明萬曆甲辰年十二月吉日皇貴妃鄭謹發誠心沐手親書觀世音菩薩普門品經一卷恭祝今上聖主祈願萬壽洪福永享

康泰安裕吉祥

梵夾盜青出漢京翊坤題處最分明依稀買得研神記

紙上香多蠹不成明大內寫金字經多用盜青紙翊坤鄭妃宮名

巧笑由來雨露偏佛恩遺在聖人前開函稽首無他願

一筆泥金壽一年

柘館餘閑罷女紅祝釐不與眾嬪同也勝密誓高元殿

小字親封玉合中

城南詩老觀空久特賦新詞繼夢華更待秋山黃葉下
與君禮足九蓮花

靈隱寺有慈聖李太后賜九蓮觀音一幀

五月二十五日艮山門外晚眺

吳天入時涼似水袂衣出城三四里城角遠山青半環
分得濃嵐落漁市荒陂繚緜行何求雲影水中凝不收
蓬科誰與作都祭陰森大樹堪蔽牛幾家叢薄徑微窄
稚髦闖籬窺過客櫻欄散葉覆深井薜荔牽絲護敲壁
喜聞田水夜初滿不道瓠花朝更坼半虹忽墮橫一橋
恰當高處風刁騷四天萬綠染未銷峯尖黃鶴如可招
畫本髣髴臨山樵深林絕礪藏過雨山中茅屋愁漂搖

道旁日暮紛惆悵白荷欲語嬌相向斜倚珠盤踏寒浪
菰蒲低處見船行弭櫂無人能一訪我時小極因廢書
消憂起病兩有餘但思臨平考古蹟安得湯鎮謀村居
朝廷蠲租 詔寬大官府勸農意樂胥攜孥亦可號
蠶室息影頗愛開蝸廬試歌元豐歲連稔姓氏何必聞
鄉間

葭白餉琴魚

聞道琴溪上春風出小鱗如何附仙籍翻使困漁人味
淡供清茗形枯借綠蘋因君投水物欲謁敬亭神

秋夜泊澣墅

歸心淹旅泊何處近吳宮夜色一村雨秋聲兩岸蟲道

存衣食內人老別離中坐待嚴關啟松陵藉順風

母壽日作

酉年季秋朔阿母甲子周黃花正被徑紅穗初盈疇采
英更釀麴粲粲兼沈浮良朋惠文綺學子羅嘉羞貧家
不解音亦名絲竹謳貴以宣悅豫暖響四座流子婦前
致詞再拜奉縹甌一願母常健眠食安優游二願歲常
豐春酒頗易求慈顏笑爲醉永永如今秋

南湖秋望

幾點城隅接翅鴉意行烏帽任敲斜橫塘秋水明菰葉
老屋殘陽上蘚花渺矣高鴻猶避弋落然寒事又辭家
南湖多少閑風物魚蟹誰分一片沙

同玉裁大宗集臯園

緣林映堞境清佳况復游從願不乖人約寒雲來別浦
葉和流水出荒街擷蔬風味追前輩翦樹軒亭換舊牌
好敵玉湖諸勝蹟他時睽隔憶青鞵

玉裁來廣陵同宿閔廉風齋中卽事

比年還往數今年乍到江城夜籥懸地主能詩欣會宿
旅人貪話廢高眠性疎我不王晞悔才大君須杜老憐
除卻風沙鞍馬事商量換得五湖船

同作

歸安姚世鈺玉裁

客中對客互畱連竹屋青燈坐惘然潦倒何堪中散
病飛揚空忝少陵篇武林舊事銜杯問漢上題襟對

榻眠不是良知心鄭重幾曾輕喚渡江船

正月十一日同尺鳧功千汎舟湖上期敬身不

至二首以下庚戌

試燈天氣思無端急喚扁舟破翠瀾禁架梅花差少雨
吹噓柳色不多寒空亭苔石週遭坐新寺烟嵐上下看
欲借大癡哥鐵笛一聲飛入水雲寬

見楊瑞山居新語
子久自號大癡哥

處處梅開雪幾叢蘇堤人立翠屏中水邊歌鼓元宵近
詩裏光陰白髮公將暖湖烟多晚碧未花桃樹有春紅
憑誰為報丁居士落日沙頭悵望同

過蘇耕餘教授齋賦贈

東南大藩地郡學首古杭層城闕禮殿喬木森宮牆石
經有遺刻奎畫宋上皇七十二子像搦自龍眠莊恍若
過魯墟聞金石絲簧偏安蹟未泯文治今光昌侏侏九
邑秀橫經願知方掌教匪得人徒令糜官倉姚江蘇夫
子來繼徐大章明洪武中天台徐一夔為杭學教授有名射策驚漢廷不得貢玉堂
翻然愛冷職苜蓿春風香健兒不敢窺廟壻非牧場元
戎為申誠卓哉君子強齋規胡安定內行陳履常經師
與人師一身兼所當奉檄攝山長臯比擁松岡說士甘
於肉拔萃皆才良易書校秋賦暗中掇乘黃十年冀北
空俊髦未易量昨列五三人堪充童子郎佗時活國手
合在青衿行居然老博士豐頤垂鬢霜竭來肯訪我衝

凍輿臺僵勸我隨使車登華覽咸陽況聞主人賢冰操
出繡腸方伯方公密汀足以發幽憂懷古多慨慷鄙性慕棲逸未
獲辨補竟切鴻裝開年蠻舍靜報謁因掘裳清言忍遽別
竹影移繩牀毛蔬趣留飲牽迫辭舉觴厚意使心醉何
必同渴羨斯文準崔蔡詎可窮公藏想見尋道味陳編
誦琅琅三閒屋打頭俯仰寬八荒從公樂乎此莫嘆餅
無糧

二月十日同丁敬身金質甫陳江臯登寶石山

天然圖畫閣

塔下樓開躡級登東丘聊憶昔游曾春深城郭渾如畫
定裏鶯花不屬僧人影漸移湖上柳烟光又綠壁間藤

留題為紀閑蹤跡只有看山詫最能

城南桃花同人分得流字

春江明白繞花流十里晴嵐好放眸紅艷正迷前代苑
亂霞微暎遠人舟斜川朋好咸來集杜曲風情不自由
願倩游絲千百尺繫將西日駐城頭

清明日城東顧氏莊看花分得耕字

惜春連日出重城揀取花多任意行姪姪臨波搖客釣
迷離並冢照農耕活東聚處芹爭長謝豹啼時筍盡生
將到薄游還小住他鄉悶過幾清明

四月十八日同人汎舟紅橋登平山堂送全紹衣入京

邗溝夏水漲城陰積深翠酒舫歷草痕經年還一至故人四明客含香識名字遠于京畿台香未越三國志虞仲翔傳注太學待何蕃少年推賈誼合并有同岑繫維情莫比來聽郭公啼豎為鱗魚醉人生赴功名時乎偶然遂壯觀畱長吟自足千古意西上陟蜀岡新亭亦佳致歐公遺構在清氣激松吹歷茅司徒廟眺謝司空寺涼雲遞疎鐘平楚碧無次離愁生其閒紛來不可避惟願追前修遠轡從此始

五月十三日同丁敬身游智果寺

招得吟朋上釣槎北山來訪野僧家竹陰入寺綠無暑荷葉繞門香勝花泉酌參寥寒甃缺字尋坡老壞梁斜幽禽不會躊躇意飛向湖天點落霞

通韻更同作

錢唐丁敬身

偶停艇子叩虛寮初見森森竹放梢鳥語狎人渾不去湖光似雪更難銷名泉舊自高僧著壞碣曾經野火燒五月藕花思往句吟魂雖在倩誰招

功干送高麗墨用山谷和文潛謝穆父贈松扇韻

樂浪松肪薄於紙一挺崑崙指形似若教持伴館中人風鬟應寫嬋媛子金蔡松年使高麗為館伎賦石州慢詞有雲海蓬萊風霧鬢之句見劉祁歸潛志知君憐我几格寒遣送海雲生硯山野人不草外國傳但吟小句菰蘆閒

敬身用山谷韻乞高麗墨於功干而墨僅二枚

一贈尺鳧一以贈僕竟無以應也次韻答之僕亦同作

黑玉乾交光印紙柳枝瘦龍略相似面作龍紋背有利見大人四字貢餘人

手競分藏主不吝畱等窮子城南居士氣高寒乞墨不

乞錢買山半枚莫得李公擇置君且在廉讓間李公擇曾惠蘇子瞻墨半

枚其印文曰張力剛云得之高麗使者出陸友仁墨史

和功干遺敬身流求扇以償高麗墨之請三用

前韻

排日詩筒遞連紙扇痕一握苞直似也知摺疊出鯁人

卻勝纖濃埽螺子往作詩懼六月寒船回落際來閩山

動搖更想梅花手可資談柄於林閒流求女子多以墨刻手背成梅花

原作

仁和趙昱功干

研光點漆可鏡紙烏玉玦形毋乃似松烟恨不貯三

丸餉供蠻牋寫丁子科斗名丁子見埤雅敬身善作篆書幾日舶趁風吹寒

摺扇宛轉來中山珠宮冷氣壓三伏合置先生懷裏

閒

夏夜宿清隱菴五更汎舟湖中

禪榻安心午夜過出門葭葦響微波舟人喚起山月墮

權入藕花風露多

秋夕

節近孟蘭暑漸平雨過籬角豆花明絡絲蟲響無燈坐

劣有幽懷待月生

有懷玉教授衣
我夢吳興好看山兼著書遠游成計左歸去與人疎水閣三閒隱家風一曲漁焉知陳正字不共采秋藻

次韻同作

江都閔

華廉風

絕席陳無已閑居姚祕書故人俱寂寞芳訊漸生疎
蒼弁秋堪畫玉湖清可漁遙知兩詞客搖艇入芙蓉
聖因寺觀貫休畫十六羅漢

唐人畫十六羅漢筆力獨數盧楞伽休公後起出其上
真容應夢有似忽現優曇花小篆親題廣明歲正在江
陵傳絕藝禪人請歸懷玉山海眾林神盛訶衛休公不
樂依錢王此畫何年流落長明古寺青豆房殿侈香斷

印龕冷燈無光我昔借觀匿不出卻恨俗僧皆啞羊宰
官移置湖上龍宮之寶地應真一一來高堂題詩記得
歐陽炯此畫依然神貌並烟煤雖暗墨蹟鹿生絹開張
氣疎挺眼淨野鷺肩削枯龜頂峯嶽嶽眉雪綏綏彈舌
呪罷蓮葉齧齒嚼徧楊枝四十二章經在手一百八顆
珠倒垂灌餅高擎褰曷鼻坐具入定搯瘦頤聖賢自古
秉異相何況流沙印度相逢時高情逸格寫不盡更有
嗔如破賊三軍麾其閒憩寂皆無語巨石高松絡雲霧
中華只識諾矩羅龍湫雁蕩經行多嗚呼炯也詩休公
畫同在人閒縱瑰怪我欲追扳力不能但作低頭東野
拜聖因寺裏鳴粥魚五雲長護
先皇書永將玉軸鎮

孤嶼請看水墨已是七百春秋餘

登虎阜小吳軒贈雪澗上人

劍失空池虎氣沈全吳輸與客登臨
岳收鬼雨參差霽樹簇人烟一半陰
齊女望餘橫古堞越兵來處見飛禽
支公笑指黃雲壠畱看斜陽畫滲金

小吳軒曉望用清遠道士韻

冷露響墜葉殘星在秋漢昨為僧牀
宿避喧遠如竄開牖發晨暎艷奕寄
奇翫滄溟恍一漚興欲游汗漫藍霏
吐近郭素霧起遙岸俯視平林梢高
下若濤亂孤塔不受侵猶窳七級半
須與山帶接變滅海市散下方歌鐘
地醉夢屢失旦豈知青岳端有客早
揮翰逸想天雞語

幽共谷鳥歎何當踵嘉游清詞不能贊

王弱林司勳邀游惠山訪愚公谷四首

二泉亭下看詩牌轉入蕭森秀嶂街
卻是舊游多鶻突

幾回孤負筍皮鞵

愚公谷左為秀嶂街右為名泉里

前人卜築愛幽奇疊石為山勢若移
冷翠空烟吹不散似和敗葉護荒池

菟裘過眼即滄桑蝸雜苔痕上壞墻
誰見翫鯢春月暖

聽歌人在蔚藍堂

鄒愚公每挾青衣度曲於此

山圍屋角木陰攢澹澹春申澗響寒
我輩向耽荒率味不須金粉畫闌干

同秋玉佩兮西顛江臯自京口放船至焦山

焦山萬古色蒼翠撐洪波比年困行役東望浮一羸探
奇藉良朋不恨時蹉跎江豚靜匿影高檣指巖阿竹樹
漸可分飛簷壓嵯峨轉取寺後道恐落千盤渦滿載京
口酒吾面未敢酖蓮須有淨界佛事先羯磨古殿陰不
散緜雲覆杪樞化生欲震動爲少人跡過門橫象山碧
空水相蕩摩眾謝迺獨往悄然懷東坡

三詔洞拜焦隱君像

呀然石房闢栝柏互森竦下有黃犢廬山因姓氏重炎
靈失其馭四海浩呼洵先生獨緘口絕世一何勇魏吳
公與卿彌望盡闌茸去之斯已而孤寄此寵從入獸不
亂羣露寢甘自擁至今拂巖花真氣使人拱何哉天書

帝襪祥共愆通夢謬加封高靈肯汗寵

祥符中真宗臥疾夢
隱君而愈詔封明應

公我疑駕蜚鴻瑤草拾遺甌爲君迴俗駕落葉寒到踵

觀音巖次石壁上宋人趙冰壺韻

聞思大士蹟猶存坐斷千巖水氣昏徑滑行防和葉墜
江清汲愛帶雲吞斑斑霜樹多棲鶻裊裊風藤欲挂猿
行盡丹梯三十六直疑高處見天根

雙峯閣

絕磴盤空出危峯架屋低雲光在其下帆影盡於西身
世浮杯似年華過鳥齊禪寮容自恣筇杖約重攜

別峯菴

平岡連筠杉石棧下奔峭幽林天光入悽神歷眾妙結

茅但孤僧啟戶延客眺云此東峯半微茫見海嶠濤聲
寒鼈答烟色斷雁叫浩劫水仙琴長往任公釣揮手謝
時人與爾不同調

夜宿松寥閣用薩天錫韻

深松耿禪燈江黑疑有雨平生託宿處奇勝此堪數微
聞金山鐘漸辨瓜洲路海色與西風又將陳跡去

瘞鶴銘

我生好讀浮丘經焦山來訪瘞鶴銘纍纍之家令威歎
羽化誰使傳千齡迺知仙家重文字不異人世諛幽局
崩崖敬浪下無路直待水縮霜霰零墨痕濺面葉藉背
仰卧劣可摹真形張王近事僧指說張弔王英奇險欲動魚

龍聽長沙陳公

鵬年

發天秘抉取覆以屋建瓴繕亭何必

歷三癸鑿石直疑煩五丁上皇樵書今得覲尤慮氈椎
日敲擊比量北海遇趙岐特護翠珉藏複壁敢辭米老
河豚譏贖本重鏤外加羃篝燈側足窺大幽彈渦親剔
筆畫道真官若掌女青律莞牡失職當窮搜百番赫蹏
走書估三日卧看毋自苦摩挲後此五百年鋒棱就視
空茫然吁嗟神物非近翫不如天吳什襲猶能全

焦山古鼎

古之彝器篆最奧佚籀已遠誰稽探橫舟持刀或立旆
簡質妙若繪事妣姬周尚文備眾體款識不慮供魚蟬
二千年物落山寺王詩大小傳東南西樵阮亭兩先生茲游一見

發絕詫熊光溢燕子龕腹深入寸脣尺四叩之清越
微聲籟雲雷周帀峙饗養生砂活翠浮朱藍無專世惠
釋文異不獨立位形相參違父鄭邠誤考据尚功妘婦
迷研覃惟王酬庸錫册命鑾旂鑿勒兼戈鏌忠忱對揚
懼隕越孝思用享調滑甘鈐山不識此二字廿年辛苦
成虛談天池釣空假盜柄大雞亦應台星三
明世宗自號天池釣
度見沈虎臣野獲編
鑄氣爲兵事豪奪攸燻一例如狼貪上河圖子偶僞託
思質陷法人何堪吉金肯冒辱金辱得不昇送行趁趕
子孫永寶意爾爾雜廁尊勺娛宴酣豈知袁州詔簿錄
清玩伴繫文嘉諳此鼎潛藏幸神助同時輩行歸瞿曇
空諸所有乃常有雲烟過眼休嘲哈壑舟恐遭大力負

請視覆轍應懷慙何如畱與客吟賞茶具更攜都統籃

甘露寺

誤緣峭壁蘚痕滑喜見空樓江影斜畱得唐朝衛公塔
廊腰雨過鐵生花

同作

祁門馬曰瑄秋玉

斷甃猶存劫火銷祇憑絕頂看金焦我來十月霜風
厲江葉飄零似六朝

海嶽菴

米老風流絕代無一菴零落近僧廚頻經甲子畱京口
仍見寅哥列坐隅卦影人閒求古像研山壁上勒新圖
奇顛那復拘常格佳句還堪壓萬夫

游金山

渡頭晴色風帖然行盡寺廊如有緣江光四圍佛屋頂
洞雲幾片僧牀邊開尊留客黑鹽鼓打槳載人紅板船
今夜蕪城定生夢夢在聽潮軒裏眠

十二月十七日雪後沙河寫望

野橋俯川光微曛隱疎木餘雪連半陰遙山自相屬透
池入城隅寒色翳空曲離離被沙草歷歷明村屋應有
林棲子殘編時映竹烟水抱一灣皓然行徑獨明初馬仲
此名一灣烟水止卷祥公詩占得 眾閑魚不上槽鳴酒初熟毋憂世
沙河此一灣此身能與狎鴨閑 士知清境非所逐

人日集施竹田蘋香齋以下辛亥

蜜炬紅銷漏下頻非關豪飲擬陳遵烟中春月大可愛
窗外梅花如故人一種繁華武林事百年珍重草堂身
幽坊莫忘重過約周北張南只比隣

題華秋岳詩卷

我愛秋岳子蕭寥烟鶴姿自開方澗室高詠游仙詩雲
壁可一往風泉無四時滄洲畫成趨儻要故人知

同江臯飲吳山酒樓懷亡友石貞石

春風勸客倒雞缸樓子臨湖正背江翠潏時時搖遠樹
晴嵐故故人西窗二豪醉後知何物此士塵中信少雙
石仲容今呼不起與君狂語倩誰降

古蕩舟中同大宗聖幾江臯探梅作

小船如瓜皮可坐兼可眠春山隨我行澹翠何繇聯竹
外一雞唱風氣太古前搖搖四詩人漾入梅花烟

石八郎祠

薄暮投空山春陰澹落日躡躅樵逕旁幽幽古祠出畫
壁緣颺甍虛廊蔭杉漆湍咽神絃停嵐蒸廟額失相傳
石敢當祈報據固宰但存天水志名字惜遺佚祠見咸清臨安志
竹枝迎村巫梅花作靈匹勿事呼林央山氓保終吉

晚至溪上巢

林巒生春寒心在諸天暝列坐疎竹根微泉各爲聽花
光淡欲無松籟遞相應衝烟山鳥還余亦下蘿徑

汎舟河渚取道田間尋梅花泉

清流一支瀉漏影明朝瞰行行數石髮捨舟在溪門名
泉如逸士高寄梅花村寓形本天趣當得靜者論瑤席
不盈尺衍漾青絲蒨潄沸素漚發皎若飄英繁徒供野
人汲彌思桑苧言四山秀脈聚萬古陰機翻慰我斛茗
痕甘芳入餅盆潛分鈞突沫高尋玉井源

蘆菴贈克念上人

河渚富幽棲迴復何窈窕渚中復有渚春淥滿四照相
期蘆之漪禪客對清峭示我戒中詩別擬畫公調因知
彼上人滅景自年少晏坐觀物情仁心憫漁釣隔離聞
權舟帶雨見荷蓀我來問佛事指點梅花笑

重過秋雪菴

僧言蘆花時
月汎最佳

魚國開雙林我遊不厭屢柳界護生堤盡除網罟懼登樓展四矚惟有舟是路羣山遠在南如讓水回互同行興彌深蒹葭待秋素欲驗溪僧言孤槩盪寒兔

春陰望西溪人家雲山梅竹互爲掩映

溪聲迤西流寺橋扼其隘分餘落麥田綺秀渺方巽行人越阡陌春望怡我輩皜皜遠梅林映山青掩曖下有魚樵塵竹樹互襟帶炊烟化山雲雲起半明晦花源色不同輞口境如在悵矣懷閑居悠然悟天繪

入花塢遇雨度藕香橋憩法楞菴

瓦亭標路口兩山夾欽窳重過二十年望岫盟我心密竹遠無極微徑劣可尋清霽晝常暗况乃覆春霖雨來

法華頂雲埋精進林僧舍度橋灑空礪濃青集衣襟忽逢惜筍僧導入精舍深杉檜鬱當戶小閣相窺臨幽涓落斷壁交作微妙音并無去家愁去家日遠雨聲之愁也見文泉子欲擁冰牀衾始知淨名室可以聽泠泠

雨宿永興寺

山樓一燈寒蕭寥送清響暗生平地雲溼墮幽蹊橡遂成三宿桑題壁記疇曩安居遇多雨佛說發精想橫窗雙綠萼交影入蒼茫聲上跌對妙香裏夢寐雜詠賞隔屋喧春禽明將進溪榜

春社呈志局諸君

蹤跡今年定絮萍叢書堆裏晝常局分來竹葉社翁酒

開過梅花水部廳在商榷吳越朋簪連俊彥台明幽事寄
圖經紙田自笑多荒落欲向山川更乞靈

次韻

錢唐汪 沆西題

離合人生似水萍相於官閣類巖扃風催花信初歸
樹草接苔痕欲上廳爲乞治龔傳社酒未妨破睡補
山經先生自具編摩手更與家江發秀靈

蠶豆和朱稼翁

豆子酥含綠玉凝江鄉風物最先稱繅絲花外黠初重
戴勝聲中莢已登竹塢流連燒筍客石泉珍重試茶僧
清甘并欲題三絕轅金朝來思不勝

雨中汎舟三潭同沈確士作

一雨湖山破清曉雲外諸峯殊杳杳問誰著眼到空濛
只有斜風吹白鳥斜風忽斷穀文鋪壞塔平林乍有無
濃拖高柳三升墨亂打新荷萬斛珠畫船低似荷花屋
瑟瑟梢梢閒蘆竹可惜今宵五月寒不同我友三潭宿

同作

長洲沈德潛確士

雲移高峯峯不定湖波過雨光逾淨佳人髣髴洗鉛
華隔紗微窺晚妝靚一枝柔櫓蒼茫外綠蓑青笠元
真態不遇南屏孫太初枯禪瘦鶴誰同載輕船準擬
泊三潭鷗鷺爲羣我最堪聽罷晚鐘烟際宿荷花深
處夢江南

送沈確士歸蘓州

滿天梅雨合思吳早挂烟中十幅蒲白髮定能爭席否
朱絃曾遇賞音無人同樂圃文偏潔宅近靈巖趣不孤
只恐鷗情成閒阻五湖那復憶西湖

湖上汎舟至壑菴

舊識林扉僻蟬多不厭聽訪僧無北磻覓路是南屏石
帶殘雲潤潭臨雜樹青迴舟看坐處巖壑晚冥冥

意林所藏宋徽宗鸚鵡圖同確士作

繁華如夢宣和事仍在神霄自游戲誰傳真蹟落人間
鸚鵡之鵠之妙無比松枝浙浙墨鉞攢一踏枝鳴二墮地
足鉤味啄定爭鬪不然那得風毛墜中間似欲助老拳
欲飛未飛張兩翅晶熒點漆活眼睛

徽宗畫禽鳥多以
漆點睛高出紙上

卻含萬

里龍沙淚我聞物性不踰濟竟遣鑾輿隨突騎祇應回
首媿此圖難諭兩宮通問使當時迎駕教瑞禽扇篋翔
集香風深五月五日工翦舌學成言語知人心貫京便
佞等豢養不止烏棲借上林天機寫肖能無誤押字淋
漓若垂露洞庭詩客詩獨步邀我聯吟重豪素休比乾
侯魯國謠仍爲天水王孫賦

題三弟子山遺詩後

并序

予少遭孤露弟僅六齡零丁危苦相依至今凡二十一
年去年幸弟舉一子今年十月十日弟忽遭疾夭亡痛
可言邪檢故篋中有手書雜藥方十數紙後有庚戌除
夕一絕句弟素不能詩其辭似工者豈有夙慧邪第二

句竟成劉希夷花落之讖抑有物焉以憑之邪吁可痛也
也因忍淚成二十字題後付孤姪黼收藏
人逐殘燈滅行畱斷雁孤年年盡夜空有淚模糊

庚戌除夕

鷓子山

已響千家竹將殘一夜燈不知窗外雪漠漠硯池冰

樊榭山房集卷六

樊榭山房集卷第七

錢唐 厲 鶚 太鴻

詩庚

酒蟹以下五

草泥纔出海邊田不共茶鐺煮碧泉漁舍西風成昨夢
醉鄉清味破中堅香畱阜莢看燈夜餅卧黃花小雪天
可惜老饕情思淺只將一語為君傳

佩兮南齋觀倪元鎮贈邾伯盛靜寄軒詩真蹟

次韻三首

清詩隸畫遠人氛展向晴窗半穗雲卻憶當時邾處士
能將寸鐵壽斯文

夜雨菰蒲何處居居然范緩配倪迂憑將一語添書品
絕似寒花瘦鶴無

心跡渾如過臘僧小軒幽對竹翦鬢更分白石茶為供
甘受人間俗眼憎

沈石田合子會詞真蹟次韻自署云倚翠生沈周

南渡荒王嗟鼎沸一夕青燐生大內舊院樓臺化菜畦
渡頭無復桃根妹承平樂事百味盛平聲春宵角勝張長
檠言情不用比紅句紀事能工倚翠生鐵面譏訶亦時
有我譬解醒當以酒可憐瘦硬相城書卻寫柔詞傳士
友平章風月秦淮風秦淮伎有私印曰同風月平章事見野獲編小軸歸君篋衍中
冰漸生硯霜侵戶道眼澄觀本無住

宋碧山銀槎歌為秋玉賦

詩人往者聚長安好事會聞孫退谷銀槎酌客客作歌
想像無由能寓目朱華玉名碧山宇至正年居魏塘里
一生良冶此僅傳流落江南非偶爾虛心斷節桑落貯
分得秋河好風露開襟有客踞上頭或云鑿空博望侯
手持支機石一片張侯張侯吾所羨即時酒與身後名
何如黃姑渚畔長游衍槎腹鏤詩句瀟灑問津可惜無
知者摹形已奪晉丹青操觚堪補元風雅主人索我重
作歌愛之過於金叵羅前宵偷兒眩其篋免隨羽化神
搗訶翠壺插菊展重陽半杯竟欲追渴羌醉倒空齋月
為枕夢向天孫乞餘錦

題陳授衣閉門覓句圖

君如後山窮取婦離鄉土漫歌妾薄命已見男當戶吟
榻秋風高冥按避童豎詩成在何時飢腸鳴卓午

論詞絕句十二首

美人香草本離騷俎豆青蓮尙未遙頗愛花間腸斷句
夜船吹笛雨瀟瀟

張野柳柳者詞名枉並驅格高韻勝屬西吳可人風絮墮
無影低唱淺斟能道無

鬼語分明愛賞多小山小令擅清歌世閒不少分襟處
月細風尖喚奈何

賀梅子昔吳中住一曲橫塘自往還難會寂音尊者意

也將綺障學東山洪覺範有和賀方回
青玉案詞極淺陋

舊時月色最清妍香影都從授簡傳贈與小紅應不惜
賞音只有石湖仙

頭白遺民涕不禁補題風物在山陰殘蟬身世香蓴興
一片冬青冢畔心樂府補題一卷唐
義士玉潛與焉

玉田秀筆遡清空淨洗花香意匠中羨殺時人喚春水
源流故自寄閑翁鄧牧心云張叔夏詞本其父寄閑翁翁名
樞字斗南有作在周草窗絕妙好詞中

中州樂府鑒裁別畧仿蘇黃硬語爲若向詞家論風雅
錦袍翻是讓吳兒

送春苦調劉須溪吟到壺秋羅志仁句絕奇不讀鳳林書院
體豈知詞派有江西元鳳林書院詞
三卷多江西人

寂寞湖山爾許時近來傳唱六家詞偶然燕語人無語

心折小長蘆釣師

朱竹垞檢討靜志居琴趣中語

閑情何礙寫雲藍淡處翻濃我未諳獨有藕漁工小令

不教賀老占江南

錫山嚴中允孫友秋水詞一卷

去上雙聲子細論荆溪萬樹得專門欲呼南渡諸公起

韻本重雕茱萸軒

近時宜興萬紅友詞律嚴去上二聲之辨本宋沈伯時樂府指迷予曾見紹興二年刊茱萸軒詞林要韻一冊

分東紅邦陽等十九韻亦有上去入二聲作平聲者

題冒辟疆姬人金圓玉水墨秋葵圖

辟疆自題云余不能飲日看畫

此花亦飲醇酒意也

金瓊橫敲醉不勝墨痕秋暈一匳冰西園老盡佳公子

看畫花枝學信陵

丁未暮春佩兮來游湖上曾作五字詩奉贈壬

子秋僕至邗畱寓小玲瓏山館歲晚將歸復次

前韻志別兼呈令兄秋玉

書至約已頻別來思易積夢想蜀岡青中有春明宅一

舸秋雨餘又逐閑鷗跡相見尋古歡前塵空役役君家

山館幽短榻對虛白名談開襟寬積卷堆坐窄琴清共

低徊酒醞小浮拍殘年逼歸心彌復惜離坼今夕首扁

舟始覺身為客眷眷隔烟江戍樓聞遠笛

過青浦縣

時將訪功干於松江

草草衝寒路船窗西日餘潮痕上城古蟹穴入沙虛飄

蕩青龍艦艱難黃耳書故人今夕見杯酒惜居諸

朱涇

船子高風去不還
霜天如洗白鷗閑
明年若買蓑兼笠
合並華亭落照灣

早春登孤山四照亭

以下癸丑

澀磴盤迴竹尾斜
東風先入梵王家
吟筇更上梅多處
四照山光四照花

南湖雨中

夾竹天桃蘸小紅
水高魚滬沒蘆叢
南湖春物無人管
都付斜風細雨中

虎丘清明同意林誠夫江臯作五首

年年水上送離鴻
每到清明憶夢中
何處天涯無草色

新烟偏繞舊吳宮

春向通波盡可憐
賣花籬外鬪茶天
白堤無賴新楊柳
分上吳娘六柱船

吳中清明多以柳枝插船尾六柱船見范成大吳郡志

踏青羅韞逐時新
節物何關百感身
小住客程剛半日
虎丘山下看迎神

千枝穠豔萬枝斜
破楚門西倚暮霞
不是逢春被花惱
卻因老大惜飛花

柳傍蘇臺舞不休
山青無際水空流
歌船載取輕陰去
便有瀟瀟暮雨愁

同作

仁和趙一清誠夫

春來到處觸閑情
小隊橫塘一字行
明日吳宮芳草

路青青踏徧又重生

春晚同尺鳧西顥登丁家山新亭

百囀鶯闌百舌催游人猶向此山來雙亭半倚林蘿出一壑中分紫翠開笑挽風光歸健筆醉邀湖影入深杯平生野服宜春服惹得松花竹粉回

立夏後二日同敬身授衣過重陽菴薛尊師房有客佩含景丹房迴在東開窗俯塵世坐樹御天風白羽花閒驥青衣泉上童日長能省事吹笛此山中

南湖初夏四首

不踏看花陌上塵草堂近卜約齋鄰垂楊水寺殘碑在瘦策寬鞵浴佛人

張功甫自號約齋

委巷人歸路屈盤苧衣初試尙嫌單斜陽半落湖光裏一陣蘋風助麥寒壞垣桃李自無蹊記得輕船對罾泥看到濃陰春又夏人家斜倚采桑梯疎放都無客過存五經籬外曲通村紅蓄十丈開還落卧讀農書不出門

官米

近日官倉米如京積最高廬陵價先踊河內發猶勞鼠盜難周防鳩形詎徧叨盈虛如可酌估客集千艘

汪積山招汎湖上觀荷分得于字

妙友閒何闊相期逃暑途滌瓷作茶會刺船暎菰蒲各

各脫藤帽一笑歡莫逾羣峯正清曉雲影移浮圖趁此
萬斛涼搖入碧玉壺舟人頗解事爲擇最勝區虛亭架
水中水花下開敷倚闌當花上圓葉交撐扶卻羨雙蜻
蜓翾飛抱黃須縱日浦樹密傾耳村蟬孤諸公惜永日
迴橈穿裏湖裏湖花更多十里無處無中央通延緣魚
翠時相呼忽驚山倒浸花底烟平鋪安得山雨來眾綠
爭跳珠遠香送清苦悟賞知非殊僧榻借偃仰高唱紛
囑于毋爲待西風空令芳意徂

夏夜同樂城功千步月南湖

披衣聞剝啄蕭散步城隈煩思臨湖盡幽襟爲月開魚
聲不知處荷氣偶然來莫怪無看待清光送客回

七夕苦熱效西崑體

星期經歲思悠悠此夕星期暑未收鸞影周旋秦女扇
蛛絲辛苦漢家樓漸臺露淺移東足銀浦風微到上頭
共道天人能會合癡兒揮汗拜牽牛

早秋同王謩徵汪西顥符聖幾坐報國院池上

秋意落僧院行徑紆且微愛此湛湛水脩林隱炎暉廢
壑寒瓜蔓古堞高天圍清陰漸半池鯨魚如有歸盈耳
發竿籟長風本無機一一適吾願詎似身世違永日敷
坐具無人挂浴衣冷絕白鳥營閑免蒼蠅譏祇應二三
子勿歎知音希

贈葭白移家眞州三首

已厭譁躑學靜便帛槌茶磨上江船想君小閣移帆影
新占長蘆寺外天

日出烟銷窈窕中漁娃尚卧荻花風淮南近日無三士

賸把江山乞寓公潘熙問淮有三士舒州張用晦和州張晉卿真州章冠之也見張荃翁貴耳集

白鳥飛邊天鏡開秦淮欲渡小裴回不須折柬更招我

春水方生乘興來

中秋夜廣陵看山樓對月

連宵積雨卷滂沱洗出秋容與素娥淮海東來寒一點
闌干下視眇層波細尋桂子鄉關遠苦戀簫聲夜思多
賴有主人能酌客肯教邀影對紅螺

晚秋夜雨有懷故園

落葉卷風雨客愁仍去年背燈三峽水敲枕九江船預
想他時話須妨此夕眠南湖烟翠色應溼草堂前

哭吳尺鳧并序

八月三日與尺鳧飲湖上來廣陵兩月遽聞尺鳧凶問
僕性寡交游里中二三故人相周旋學積行修意氣高
爽如尺鳧者何可多得竟連蹇不遇以死晚年頗耽琢
小詞以僕為能賞音今無春風之筆矣十月晦夜夢尺
鳧手一牋相示如生平覺而為詩哭之
文陣推排歲屢遷蕭閑臺遠便登仙秋湖小醉無期別
老筆新詞後世傳公等莫追王武子夢來猶見石延年
平生一掬知交淚斗酒相和滴到泉

題姚玉裁夜雨圖為悼令弟炳衡作也

剛風吹過玉成塵我亦披圖恨轉新今夜西堂打窗雨
雨聲難寄夜臺人

予弟子山
歿亦二年

哭沈欒城

客從蒲坂鬢先彫幾日神游向沈寥廿載交情蘭韻在
一生文采玉塵銷真成方相煩君到定復巫陽不下招
誰遣斯人竟黃土山風淒唳葬時簫

後君獨徘徊不前若畏懼者孰
意其為先兆也故有第五句

法雲寺銀杏詩并序

寺在揚州市闔閭極卑隘訪謝公手植雙檜已不存塔
前有銀杏一本其大蔽牛腹穿裂呀然窺天秃枝攫孳

榮悴相半殆唐宋來近千年物也此寺唐末楊行密曾
屯兵宋又為呂惠卿宅行密羣盜之雄固不足道惠卿
以熙寧法禍天下其人不中與謝公為役亦樹之辱也
不見龍鱗近佛香猶存鴨腳覆僧廊十圍空洞潛魑魅
雙幹生枯飽雪霜影小吳王曾縶馬涼多吉甫定移牀
孤根已是千年後怊悵無人比召棠

歲暮自題南湖所居四首

巢居何地可高騫近水聊同離垢園寒淨綠蕪侵巷尾
明涵疎樹照城根雲帆引我過歸興雪履聞誰獨往言
魚計茶經無外事太平時節在衡門
三間老屋打頭低安隱深冬類蟄棲短布自遮周伯況

大船不識庾安西雨多夾雪添湖水凍後烘晴滑徑泥
俯仰懷人千古意密梅花發竊黃啼

又向張園挹早春豪華舊事久飛塵石殘甲乙黏乾蘚
檻易庚辛積冷蘋佛粥近分林下寺竈餉新賣水邊人
賞心是物關時令只以康強祝老親

聊悅吾生未有涯須煩健步遠移花平臨列岫人烟小
細讀殘碑日影斜卧架少書思閱市行勝無夢到乘車

詩壇不似麒麟閣敢並南湖上將家

楊誠齋詩新拜南湖為上將謂張功父也

北郭舟中同丁敬身汪西顛王麀徵作

以下甲寅

扁舟望臯亭淺絳色漸分回首稽畱山餘雪黏空雲迺
知向背殊諸峯若離羣松陰結春靄冷趣彌氛氲同游

得三子勇若張吾軍遙拜杜子恭棲隱尊昔聞不測古
人意豈異今所云清言各未已村鐘殷微曛

石鼓亭

石鼓本無聲桐魚擊有異名亭自何年墜響閩山翠拊
牀惜典午鼓妖亦此類茂先如可呼博物有遺議吳年
出石璽奇事與之二維舟陟隕岸將老纔一至

宿佛日淨慧寺

羣山春未動清刻出松篠黃鶴翩欲下引我步深窅僧
廬闢廣場淳朴境無擾衣傳四明來蔬足千指了平生
參諸方僻近苦未曉今諳困學公篆路盡縈繞

鮮于伯機游記云村

路詰曲如行香篆中

夜深龕燈短雪滴林月小哦詩祛眼食列坐至

啼鳥

曉起徹上人導行黃鶴峰下觀龍藏泉遂尋龍洞至仙姑洞

清暘升峯罅粥鼓已絕統石盆分類泉影動青菡萏主僧爲前導矜客富奇覽岳痕蜿蜒卧巧若出鬼鑿汨流苔磔度陰洞松雪揜華蓋滑可捫神寰垢自膽仙姑巢其上側足覩幽窗重扉蓄內景鴻瓏古誰撼既訝碧簌蛻復隱紺髮髡出險詡所能臨深謂何敢冷風回人衣歸路有梅糝

洪襄惠公園中峯石歌

在錢唐西溪

苔梯不埽狐狸迹崩雲上壓三十尺東風一夜聞履綦

橫出殘梅點明燼當日園開迎貴堦仇鸞大鑿春池照珠翠咸窻侯印竟墮地七兒爭妍猶擁髻金閨妖血無人見塞上燕支洗羅薦二百年來如抹電蒼石無言淚如霰

二月十七日雨中湖上二首

催花應不爲花愁點滴疎篷喚出游太半春雲如夢裏尋詩人倚十三樓
著意船頭溼酥雨生情柳外埽殘寒春懷酒病依稀在真箇花如老眼看

白石湖至橫塘二首

楞伽山頂溼雲堆噤瘁桃花出廢臺萬頃吳波搖積翠

春寒來似越兵來

青山斷處水連村踏草無人見履痕爲愛橫堂名字好
夢腸他日繞吳門

游鶴林寺

江村近寒食花柳發天慳舟噎荒城下輿鳴野水灣曉
餅劉帝井午磬戴公山欲問千年事高僧但掩關

廣陵城南看花作

一灣碧水疎籬護今人栽花昔人墓今人又作墓中人
惟有花開客來去

夏五雨後同意林登隱几山樓望江湖諸山懷

功千游華亭

密樹含餘清平池帶微溽是時積雨斷何以敞心目高
哉君家樓脩楯俯萬屋翳窗新桐枝爲我翦蒼玉鳥下
數歸雲眉閒攬眾綠正爾山氣佳散作風肅肅頽陽在
衣袂幽鳥亦相逐同心念薄游雕章慰負獨停琴味幽
蘭呼茗煮溪淥遙知孤吟人草蟲人明燭

病疴少閒西顥聖幾見訪

日長一鬼欲銷除倦倚屏風獨枕書老去故人多已逝
病來學侶未全疎香芸有味求公是緜竹多慙薦子虛
何似南湖堪坐夏白荷花底數游魚

新安吳東巖孫婦朱孺人殉節詩

問政山高雲纚纚瑶姬夜躡青鸞尾竹陰黯澹桂魄香

左挹湘娥右山鬼欲滅不滅深屏燈朝來炎赫如懷冰
為郎無計挽白日妾命畢以朱絲繩郎家閨門若朝典
一杯薑橘靈車餞誰知泉穴百年同不道歡言當日淺
祖翁聞之泣且驚鉅篇上媿劉更生東巖為作傳我為作歌少
塵土滌筆新安江水清

七夕後一日湖上雨後作

客攜河朔杯邀我汎湖水蕩舟荷花中山雲忽樓起隔
花聞龍腥蒼茫不辨咫驚雷殷空曲驅雨入城市風迴
白苧薄天開青柳靡餘飄灑平波劣見溼沙觜勇退熱
屬斂戰勝金神喜差強丈八溝目無貴公子
病中承功干以佳鼓滿器見餉遂進淖糜率裁

小詩報貺

毘邪口醜欲談空幽豆提攜裹飯同不學南朝王散騎
但和薑蒜挂屏風

舟泊平望懷王載揚客都下

平望亭前落照紅十年幾度繫孤篷湖田芋熟連朝雨
水國鱸香大段風泊宅荒村無釣安泊宅村在平望震澤間乃張志和所居見澄懷錄
耕閑舊里有吟翁孫鏡字穎叔號耕閑宋末隱居平望有詩集六街塵土流連處曾
否吳歛入夢中

送沈丈樗崖游漢陽

長歌行色健頭白此揚舲江落小孤秀天寒大別青囊
中名畫錄槎上老人星歸去書能寄餐松對敬亭

小玲瓏山館月夜答方右將見懷

寒征背旅雁飛帆越江潯寂寥閉山館遙夜何幽森微
月澹絕壁淒烟冑疎林登高眺平楚霜氣皓盈襟迴燈
理故書忽見瑤華音攄情一何厚鳴謙已而深報無飛
霞佩祇枉秋水心夫君抗高步浮止當可尋好修永自
茲豈慮年鬢侵蹇予風塵際行役懷欽欽重城隔閭巷
今夕如孤禽矧復千里遠離思紛難任對酒不能飲直
爲君沈吟

過小玲瓏山館有懷樊榭用張司業寄韓昌黎

韻

頑鈍苦檢束薄俗恣便安當前昧矜式頓失心志閑

歙縣方士處右將

繫我有良朋朗潤雙壁連謂嶠谷半壁駕言適虛館爰憩玲

瓏山古翠羅峭壁榮木蛻高蟬南風一披拂盪滌襟

懷煩游目騁吳越浩渺烟雲閒念彼秋水人宛若珠

在盤憶昨誦佳句導我百尺竿今茲苦離索雖美誰

爲前何當過江來把臂期晤言

揚州新構梅花書院紀事二十韻爲秋玉賦卽梅

花嶺舊址

一簣前朝築層臺久已傾榛芳誰翦雜堂廡忽崢嶸斷
手由耆舊同心快落成喬林書閣迴疎影墨池橫帶草
緣文砌衣魚走旅楹人來石倉學地勝月泉名都講堪
重席高材自短檠俗將歌吹易氣以菑蘭更白雁江南

識紅羊宋室平雙忠同抗節百戰力嬰城純孝維桑重

天恩綽楔旌庭闈因愈疾笄幃獨懷清血盡棲魂館

肝日棲魂之館
出沈亞之集

風纏託體瑩異時齊俎豆列屋若宗祊

制置使李公庭之副都統姜公才
右祀本朝蕭孝子曰曠婦某氏

始作圖經記姱修月旦評功逾

文太守頌徧魯諸生丹雘期千禩青鞵訪二覺無忘等

嘉樹有道補由庚為約春初霽還尋郭外行仍持無算

爵共聽栗留鳴

金壽門有犬名曰小鵲要予賦長歌

高人寓物意本廉祝雞抱犢初無厭要與眾嗜相鍼砭

何來小犬暫且黔細骸茸尾厥喙尖美淨不使塵泥霑

似舐丹鼎垂澹甜碧桃花下瑤草謙仙姝門戶防俗覘

一聲吠上金背蟾何人盜取歸重欄先生得之笑娑姍

勝聘狸奴裹吳鹽練香熏透毛鬚鬚字以宋產辭頗謙

畫筒書櫃伺守嚴虹月舟載僧廬淹昏鐘幾杵霜氣銛

麩炭火爐雪一杓讀倦抱汝寒無嫌主人齋盃芹茆醃

飯餘分供味亦甜魚砧饒沫休重拈風人田車詠載獫

卞彬險出決錄槩烏龍錦茵羨香斂冬郎妒媒語詹詹

一時豪豔誠難兼愛才蕭僕得汝添絳繒不逐高門炎

邊鸞為君拂新練

下視李迪筆勢纖低頭欲入衣襟

檐歸來濤江卧茅苦越山鈿朵青刺簾手栽花護娛老

導雪麋名共縹囊籤

張伯雨還錢唐詩雪麋應護手
栽花自注雪麋元州犬名也

冬日馬秋玉佩兮招同葭白被江壽門廉風西

穎江臯集小玲瓏山館限韻時予與西穎江臯
將還武林

誰道天涯樂飲仍清冬無事集吟朋畱歡短日侵簾額
隔坐疎枝並石棱鄉思酒邊懷越酒舊聞燈下話包燈
物華兩地牽人夢多媿離騷語斲冰

明季廣陵包壯行
製燈有名號包燈

錢唐金農壽門
同作

少游兄弟性相仍石屋宜招世外朋萬翠竹深非俗
籟一圭山遠見孤枝酒闌遽作將歸雁月好爭如無
盡燈尚與梅花有良約香黏瑤席嚼春冰

臘日同周少穆汎湖

殘年風景得重經更借湖波倒玉餅寺鼓漸催沙草動

船窗纔放雪峰青酒壚泉下無消息舊曲尊前有典型
舉似梅花知此意冰澌苔澀上空亭

時尺覺樂
城俱下世

西溪曉起

以下乙卯

首春溪中寒偃卧如屈鐵宵分天柱夢覺來轉清切開
門殘月在下見數峰雪雪際生白雲宵暎不可說登橋
水市靜尋徑冰泉裂田翁尚無事初陽候林缺懷新意
似欣理舊抱已結何如巖棲人難竹飯松屑

行田至荆山嶺下作

大山何連延細岑若迴顧中有微徑通兩村隔松霧平
疇開朝日宿麥半凝沍雲根脈未洩涓流但微注野人
籬落小鳴雞隱雜樹雖無汜勝書農話眷幽素稍營下

漢業更羨上洄住竹橋滑春霜往來定非誤

庭梅二月朔始花

牆陰的的兩三枝風信纔臨暝色遲可是春人易惆悵
疎花明月不同時

臯亭看桃花舟中同孫瑤圃右階作

輕陰只傍北山阿游舫招要此再過十里風寒花淡淡
滿塘春碧水羅羅不逢漁子應迷路喜有詞人共踏莎
韶景依然年少去手中芳醞正須多

吳興月河雜題五首

炊黍重來負景光南風草木有餘香臨湖門外舟如葉
看盡青蘆十里長

溪閣誰家有笛聲釣游無處不關情水雲寥落暮天出
青翠數峯城上明

菱絲荷葉到堦除頗羨才人此卜居慙媿月河為寓客

所聞前事不勝書

月河所聞一卷宋吳興莫君陳撰

隔溪燈火晚冥濛畱客空齋賭酒筒鄭重陸家兄弟意

夜涼笑語水光中

謂姚玉裁蘭成

燕燕交飛鴨鴨喧沿波思與故人言陳郎授賓榻知無暇安得往來楊柳門

鮑西岡明府罷官後十二年復來宰長興頃從

授衣處讀其詩集作此奉懷

憶昔共年少論詩官閣曾赤衣今日盡白髮再來增會

面山雲隔彈琴溪月仍他時傳俊逸爭號鮑長興

唐改堂使君索和元日之作

夢覺鈴齋冷絮顛早分春到使君前朝正向憶蓬山直
課績應同韻海傳官琰嘗茶民事簡農家探繭物華妍
楊亭謝館追遺蹟黃閣遲登爾許年

閏四月二十一日集竹墩積照堂聯句用顏魯

公石尊聯句韻

閏夏集嘉客夙起羅清尊沈倫翁樹本一郡山水古百年耆舊
存鸚蘆深刺船影竹密捎橋痕杭大宗世駿乾鵲噪老屋長蚊
垂前軒沈東甫炳震蹙然笠屐到宛爾昆友敦沈釋旃炳巽棄捐薄俗
禮往復同心言沈幼牧炳謙茵溷各安遇蘭艾紛殊根樹本文縉

藉貞玉白水寒芳蓀鸚戀三宿桑下畱十日平原駁世浪

浪雨鳴瓦滾滾雲出門震炳急擬括羽似細並飛絲論炳

陰機幹溟滓神化合混元謙炳烟駕不肯駐日車豈愁翻

樹本林滋梅磊落溪暖萍温暎鸚積靄斂萬象大聲廢羣

喧世駁樅金協至聽漱玉清營魂震炳連蜷蕉心展麗殺桐

花繁炳衣徽那可攬琴潤誰能援謙炳飄搖狎鷗鷺滂沱

沐乾坤樹本談豪袂時奮坐久燭屢捫鸚筆陣儼魚麗酒

兵猶蜂屯世駁韻艱困師服辭騁追文園震炳天骨森萃尊

健格超籬樊炳詩鵠設三乏義途馳兩轡謙炳上下騷雅

際湖沿清濁源樹本寂憩蛤吠野倦欠雞號村鸚翳岑俟

景霽吐瀟蒙霾昏世駁渴畏茗匿盡夢欣香鈿温震炳吾儕

意氣合繾繾非懷恩炳

題敬身所藏宋石刻劉商觀奕圖拓本次沈啟

南韻

翰墨能齊張璪名又從摹勒見圓成拓輕蟬翼渾相似
筆細蠶絲不敢爭殘楮人間無二本一枰松下有長生
綠陰茗會清江上展向晴窗眼倍明

八月四日同沈繹旃幼牧汎舟後莊漾游上金

寺

西風卷天雲水物覽澄霽輕舟屢敲側秋渚轉迢遰菱
絲冒波鏡柳影出峯髻漁情滿蒹葭詩思落空翠向來
境已遷弭楫到初地寂寂蓮宮開陰陰松子墜靜息僧

椎喧古見佛傘毀尋澗咽復流披篁亂無次虛曠絕塵
機颯杳驚涼吹將還重衰回落日在巖際

下菰城

古城並青山烏鳥噪城上蘿侵女牆平竹惡樵路妨緣
岡陟嶮危髣髴門有閤其中復何見飛藿隨風颺涼雲
墮層阿林莽時一漲我聞春申君井邑此焉訪絕秦思
重閉相楚取大壯遺功猶堅完故壘屹相向千秋同屈
指事往祇惆悵

游菁山常照寺

余生嗜幽討輕身藉孤筇矧此吳西山歷歷青芙蓉古
戍殘壁在小市樵人逢悠然無盡意一徑緣風松同行

二沈子妙語時相供稻塍度斜日預想聞疎春到門澗
響合深殿香烟封碑鐫嘉泰牒活筆猶鸞龍追惟叔始
年高僧隆茂宗畫充內供奉天笑朝從容擣蒲襲蜀錦
煥儼紅樓蹤癸辛雜識思陵御府
梵隆雜畫擣蒲錦標乞身向空谷說法鳴霜鐘若
人悟懸解了非罣曾閱世如浮囊誓願棲雲峯我來
思展禮登臨帳何從傑閣聳遺構網戶光彤彤涌地憑
佛力鬼瞰難為凶寺後高閣明時自范
祭酒應期家移建四周碧玉椽戛磨晴翠
濃太息萬緣幻轉向世諦慵矯首窄堵波卓筆深林重
沈襄敏公東涼山別墅晚眺

中田一拳碧落景淒百卉亭館野僧居陟剝今餘幾廢
池浴獨鶴亂藤嘯山鬼堂堂太傅公平蠻功最偉雲霄

史臣筆風雨羣小誹至今行樂地草木眾猶躡相攜到
來孫清論翩有斐晚風吹漁歌秋入西塞尾倪文節公經鉏
堂雜志云下菰

菁山之間一帶
遠山為西塞山

雨中舟過衡山漾

竹溪止三宿流連極文謙遂為郡中行解纜疎雨濺芳
尊惜墜歡澤國起遙眇沿洄舟轉滯風逆如激箭出浦
卽通川川光遞隱見白雲被青嶂彌望鋪組練居民非
楚俗商氣滿吳甸誰能生古愁坐令齒髮變

晚霽登峴山寄吳丈琳巖

蒼巘際遙汀歸雲不復吐乘興事攀躋一一辨村塢去
鳥淨華雲來帆出疎樹伊人渺何在咫尺隔前浦空亭

瓦影落荒碑，蘇痕聚斟酌。千載心石尊，貯秋雨。

中秋月夜吳興城南鮑氏溪樓作

銀雲洗鷗波，月出玉湖口。照此樓下溪，交影卧槐柳。圓輝動上下，素氣浮左右。坐遲月入樓，寂寂人定後。裴回委枕簟，窈窕穿戶牖。言念嬋媛子，牽蘿凝竚久。納用沈郎錢，笑沽烏氏酒。白蘋張佳期，彤管勞摻手。乘月下汀洲，遙山半銜斗。明當渡江時，復別溪中安。

正月十九日探梅入龍歸塢，晡至西溪。

以下丙辰

辭舟理輕策，高處望溪源。日落泉明滅，山空氣晏溫。亂疑雲滃竹，香訝雪分村。欲就梅花宿，春風爲掃門。

春晴登吳山，同竹田江臯西顥聖幾作。

振衣仍得躡芳塵，追逐風光似有因。燈市乍收三日雨，酒樓遠接一湖春。山王不入林中詠，陶謝居然我輩人。誰賞鈿車來往路，落梅如雪撲吟身。

鬻書和沈峙公

收處心常損，拈來淚欲垂。誰憐非長物，竟遣易晨炊。宿

讀人難得長，貧我自知祇。愁肉食者還，有鬼名咍。

兩史人勸柳津

聚書答曰：吾嘗請道士上章驅鬼，安用此鬼名邪。

西湖柳枝詞六首

相識東風萬萬條，冶游付與玉驄驕。等閒回首情難盡，行過長橋更短橋。

藏鴉門外綠，情情染雨烘。晴色漸深底，事錢唐蘓小小。

不將翠帶結同心
千絲踈地復臨湖記得年時賣酒壚惟有箇儂偏愛惜
三眠還要倩人扶
芳草春來斷客魂楊枝只合伴桃根滿湖碧水游船散
西月東風在寺門
鬪盡纖腰一兩枝水仙王廟日斜時青青不許游人折
細葉如顰更泥誰
路旁烟態冒朱樓長送行人千里游願作湧金門外樹
生來渾不識離愁

趙忠毅公鐵如意歌

上有銀鏤銘云其鈎無錢廉而不刺以歌以舞以弗若是折唯君子之器也趙

南星凡小篆二十六字

鐵花鏞澀尺有咫一朵冷雲吹不起四周銀鏤篆畫嚴
古器曾經近君子高邑趙公卓犖才東林黨籍標渠魁
要扶眾正黜羣小不悟晚乃為身灾高皇辛苦營九有
輕擲乾坤崔魏手椽人假子滿朝廷豈獨見泉竟無後
見泉無後趙公目南樂魏廣微語見泉廣微父允貞號也廷推禍伏三案根遙遣荷戈出雁門
匹如祥磨在苑囿貔兪構杙驅之奔擊壺歌罷提攜舞
北闕關心淚如雨恨不親將逆豎頭碎如王氏珊瑚樹
力疏四害論四凶公於神宗朝為選郎上四大害疏光宗朝為總憲斥元詩教趙興邦官應辰吳亮嗣著四凶論願鑄
禹鼎代天功人間萬事不如意佳名真與奇觚同鐵兮
何清寒乃是公之忠義肝鐵兮何突兀乃是公之戍死
骨我購得此常賣家傳觀四座寂不譁若采銘文備史

事流傳億代可以箴官邪

飲城東許氏水軒二首

主人高閣外野趣一區寬細草漸如徑春波屈曲闌
拖舟無不可命屐此來看商略吹花雨幽懷禁薄寒
年年行樂意人事每相違畫角高城動梨花薄暮飛
眞成客不速猶道醉無歸歸路惜分手殘陽在袂衣

七月十五日夜宿羊流店望徂徠山同功干作

圓月出蒼莽涼風生樹閒流光滿空際西照徂徠山
越客寫鞍罷魯人炊黍閑因之惜清景露坐話鄉關

白溝河懷古次壁閒韻

一片塵沙閱世餘薊門烟樹望如初茫茫古道聞
蜚語

寂寂荒村上蟹胥奪取瓦橋周業盡畫成帶水宋謀疎
紫蒙何處秋風館戴斗空傳奉使書

十月十三日接葉亭畱別金繪白金壽門符幼

魯全紹衣王載揚申及甫汪西顥

醪飲非關醉浩然吟復吟客心如落葉遙夜感羈禽
文史耕漁用春秋保社尋明朝驢券後一幅寫寒林

歲暮行答蔣丈雪樵

歲云暮矣百工休幽人閉門清似水無錢何處貰芳尊
有鳥多情啁梅蘂忽傳白髮杜陵空落手長歌在連紙
自言賦命坐天窮爲灾頃遇吳回氏三閒老屋付無何
數簣殘書嗟已矣且須逃債類謔臺只合忍飢如甫里

樊榭山房集卷七
蕭條身事集闌年欲喚奴星行且止我棲山澤久沈冥
卻因公府相料理邪麻爭笑伯龍癡漫浪翻成司馬悔
歸來時序已趨趲跌宕依然向文史良辰相與撰逍遙
剛卯旋看書效改安今有道能不憂藥賣伯休聊爾耳
明朝三徑轉春風連襜追游從此始

樊榭山房集卷七
茶寮可處殊風韻
十日十三日
樊榭山房集卷七
樊榭山房集卷七

